




www.facebook.com /pepsipng

Like

na painim aut moa long ol narapela promosens blong mipla bihain taim.

Palamen i senisim 10-pela seksen bilong konstitusen

Stanley Nondol i raitim

PALAMEN long asde i senisim moa long 10-pela seksen bilong konstitusen na kisim totel namba bilong senis bilong konstitusen na lo O'Neill gavman i mekim long sotpela taim i go antap moa long 50. Dispela i winim ol senis gavman bilong ol bipo i mekim.

Gavman bilong Praim Minista Peter O'Neill i tok planti lo bai senis long opim rot bilong developmen long kantri na daunim pasin korapsen na kisim kantri i gohet.

O'Neill gavman i yusim bikpela pawa bilong ol memba bilong en na kamapim 12-pela senis bilong konstitusen. Olgeta senis i kisim sapot bilong moa long 90 memba.

Ol oposisen i no stap long palamen taim ol dispela senis i kamap. Tasol Gavana bilong Madang Jim kas tasol i stap long palamen na votim ol bil bilong gavman.

Namel long ol senis kamap em, Konstitusen senis bilong sitisen lo 2013. Dispela senis i opim rot bilong PNG sitisen i kisim sitisensip bilong narapela kantri na kamap sitisen bilong tupela kantri.

Dispela senis i no tok klia

"Dispela ol senis long opim rot bilong developmen long kantri na daunim pasin korapsen na kisim kantri i gohet. - PM O'Neill"

long wanem ol kantri stret PNG bai kisim sitisensip. Tasol Minista bilong Jastis Kerenga Kua i tok PNG bai givim sitisensip long husat kantri i laik givim sitisensip long PNG.

Palamen long namba wan taim i kamapim nupela lo bilong pait egensim korapsen-Independen Komisn Egensim Korapsen o ICAC bil.

ICAC bil bai gat pawa long mekim wok painimaut na tu bai prosekutim o bai i ken mekim save long husat i asua.

Praim Minista O'Neill i tok Obudsman Komisn na Polis bai helpim ICAC long pait egensim korapsen. ICAC bai i gat komisina na deputi komisina na bai pawa bilong ICAC i winim wok bilong polis na ol arapela gavman bodi save mekim wok bilong lo na oda.

I go moa long pes 2



RIT PEPA KAM BEK: Ilektorel Komisina, Andrew Trawen i givim bek Rit pepa bilong Kairiku-Hiri ilektoret bai ileksen go bek long Gavana Jenerel Sir Michael Ogio taim Peter Isoaimo i win na pati lida bilong NA, Patrick Pruaitch, i lukluk. Lukim stori long pes 3. Poto Nicky Bernard

Glasm asailam sika agrimen

Veronica Hatutasi i raitim

SINGAUT i go long Nesenel Gavman long riviium o glasm na skelim agrimen we PNG na Australia i bin sainim las yia long Manus Asailam Sika dil.

Long wankain taim tu, askim i go long gavman long ol sios i ken wok patna wantaim em (gavman) long Manus Asailam sika ditensen senta wok.

Pater Danny Guka, Siaman bilong PNG Kaunsel ov Sios (PNGCC) i makim ol bikpela sios long PNG, na Vais Siaman Asbisop John Ribat i wokim dispela singaut aste bihain long ol trabel i kamap long Manus Ailan asailam sika ditensen senta we wanpela asailam sika i dai, na 13 narapela i kisim bikpela bagarap.

Ol ripoot i tok ol polis i bin paitim wanpela asailam sika bilong kantri Iran taim em i tok nogutim ol, na ol i kisim em i go long Lorengau Haus sik we em i dai.

I go moa long pes 2

INSAIT:
Patel helpim Buk Bilong Pikinini
- p5

Polis arestim Wewak polis stesin komanda
- p6

Ol 45 nupela polis meri greduet - p7



40% FARE

Our popular 40th Anniversary fare is back!

Available now until the 31st of March 2014.
So book early!!

Call toll free on **180 3444** or visit **www.airniugini.com.pg** and contact your nearest Air Niugini Travel Centre or Travel Agent for further details.



Palamen i tok orait long ICAC bil

Oposisen i laikim ICAC i mas stap independen


PALAMEN i sensim seksen bilong lo I karamapim Independen Komisen Egens Korapsen (ICAC) na i givim bikpela pawa long ICAC komisina na deputi komisina long mekim wok painimaut long ol komplek na kalabusim ol lain i asua.

Praim Minista Peter O'Neill i tok ICAC bai wok independen na i gat bikpela pawa antap long Obusmen Komisina na Polis.

Mista O'Neill i tok Obusmen Komisina bai go het wantaim wok bilong em long lukluk long lidasip kod na Polis bai helpim ICAC.

ICAC bil i kisim bikpela sapot bilong palamen wantaim 91 vot. Het of Stet bai makim ol memba bilong ICAC.

Praim Minista O'Neill i tok palamen bai givim tok orait long Ogenik Lo klostu taim, long bai tok klia long makim



bilong ICAC komisina, tupela komisina wantaim ol memba.

Mista O'Neill i tok gavman i wok hat long daunim pasin korapsen na dispela ICAC bil bai stat wok long neks yia.

Praim Minista O'Neill i tok ICAC bai kisim ples bilong Task Fos Swip em NEC i putim long daunim pasin korapsen.

Mista O'Neill i tok ICAC bai stap independen long wok bilong en na bai i gat bikpela pawa long mekim wok painim na sasim ol lain i asua.

Long wankain taim, oposisen i tok korapsen em i bikpela hevi long kantri na bikpela milien kina bilong kantri I save lus long pasin korapsen.

Oposisen Lida, Belden Namah i tok tenkyu long gavman i kamapim lo bilong ICAC, tasol em i tok lukaut long ol i noken makim ol pablik sevan long kamap memba bilong ICAC.

Mista Namah i tok ICAC i mas noken gat ol memba bai makim opis bilong Praim Minista, Oposisen o wanpela gavman dipatmen.

Opoisen tu i laikim ICAC i mas independen olgeta na i noken harim tok bilong praim minista, oposisen o wanpela man.

Maipakai laikim fiseries projek long Sauten

Stanley Nondol i raitim

MINISTA bilong Leba na indastriel Reilesen na memba bilong Kikori, Mark Maipakai i tok nogat wanpela fiseris projek long Sauten Rijen na singat long nesenel gavman long putim wanpela bikpela fis projek long Sauten Rijen.

Mista Maipakai i tok olgeta bikpela fiseries projek i stap long Momase na tok gavman mas sanap fiseries projek long Sauten rijon tu.

Mista Maipakai i tok Galp provins i gat planti ges na oil na timba projek na kantri i mekim bikpela winmani mani na sapotim baset tasol gavman i no givim ol bikpela bisnis long ol pipel bilong Galp na tu ol bikpela infrastraksa i nogat long provins.

Mista Maipakai i tok nogat gutpela benking sevis, postal sevis na nogat ol bikpela supamakot na ol bikpela rot i bagarap.

Mista Maipakai i tok ol bikpela bisnis i stap long Mosbi siti na dispela i kamap long mani bilong Galp provins.

Wankain taim minista bi-

long Tred Komes na indastri, Richard Maru i singaut long Tresari minista Don Polye na na departmen bilong Tresari long raitim wanpela tok orait pas long kisim mani long Eksim Benk bilong Saina long ol sampela Tuna Keneri projek i ken go het long kantri.

Minista Maru i tokim palamen olsem Tuna Keneri projek i no go het bikos lon mani i pinis na tresari i mas givim tok orait long kisim mani long Exim Benk bilong Saina long mekim projek.

Minista Maru i tok em i tokim Tresari pinis tasol i no kisim bekim na i wet yet.

Minista Maru i tokaut long las wik olsem wok painim bai kamap long Saut Si Tuna Keneri long kampanii i no givim dividen winmani go long Provinsel gavman.

Saut Si Keneri em kamapani bilong Taiwan na i statim projek long 2002. Em i save rausim skin na bun bilong tuna salim go long ol ovasis keneri kampani.

I gat bikpela komplek olsem kampani i no bin peim dividen i go long Is Sepik

provinsal gavman na dispela pasin i kamap long taim em i statim operesen long 2002. I gat komplek tu olsem kampani i feil long kisim ol sia ol LLG i baim long mani bilong gavman.

Mista Maru i tok bilong wanem na kampani i wok long mekim dispela pasin na i askim sapos em i bin mekim win mani long bisnis o nogat.

"Sampela taim dispela kain pasin i no stret na i kirapim planti tingting agensim operesen bilong kampani". Mista Maru i tok.

Mista Maru i tok investigesen tim bai kamap long tupelo wik na mekim wok painim long operesen bilong kamapni.

Minista Maru i tok investigesen komiti bai i gat makim maus bilong iRC, Dipatmen bilong Environmen na Konsevesen, na ejensi bilong dipatmen bilong Tred, Komes na indastri.

Long wankain taim minista Maru i tokaut olsem agrimen bilong gavaman long RD Tuna Keneri long Madang provins bai kamap long ol wik i kam.

Glasim asailam sika agrimen

I kam long pes1

Pater Guka i tok ol sios lida i wari nau olsem trabel i kamap we wanpela i dai na em i taim PNG na Australia gavman i toktok na glasim agrimen.

"PNGCC i wari na olsem ol sios lida, mipela i askim gavman long glasim gen Memorandum ov Andastending (MOA)PNG na Australia gavman i bin mekim las yia.

"Mipela i singaut long gavman long ol sios i mas wok patna wantaim em. Sapos em i sanapim wanpela komiti long lukluk long dispela, mipela bai amamas long wok bung wantaim ol, gavman na ol arapela atoriti long ol samting i karamapim ol asailam sika," Pater Guka i tok.

Asbisop Ribat i sapotim ol toktok bilong Pater Guka na em i tok planti pipel long dispela kantri na ol sios tu i bin agensim tingting long putim ol asailam sika long Manus, tasol praim minista bilong PNG na Australia i bin go het na tok orait long ol samting.

Em i tok nau yet, em no klia sapos Manus em i prosesing senta o senta we ol asailam sika bai stap long en longpela taim.

Em i tok Australia i tromoim tasol dispela samting antap long PNG naPNG i no gat eksperiens long lukautim ol asailam sika.

Tasol em i tok long pasin bilong sori long ol narapela, ol sios i bin autim tingting bilong ol na stap isi long gavman i go het na putim ol asailam sika long Manus.

Asbisop Ribat i tok em i klia olsem ol asailam sika i no laik stap long PNG, I ol i laik go long Australia.

"Yumi mas mekim samting stret long ol dispela pipel na sapos Australia i gat ples long putim ol, em i mas wokim. Yumi no ken fosim ol long stap long PNG.

"Yumi no ken rabisim ol asailam sika lain olsem ol i no gat rait," Asbisop Ribat i tok.

Long wankain taim, ol ripot i kam long ABC nius i tok ol asailam sika yet i statim dispela trabel long ditensen senta.

Wanpela meri Manus i wok long senta i tokaut olsem ol asailam sika yet i bin statim bikpela pait insait long Manus asailam ditensen senta na asua bilong ol i bin kamapim dai bilong wanpela bilong ol.

Em i tok dispela pasin bilong ol refujj i bin go inap moa long tupela wik we ol i wok long singaut "fridom, fridom insait long banis yet.

Na bikpela tingting ol i wok long autim long singaut em, ol i laik go stap long Australia.

Meri Manus i tok Australia i no bin laik



GLASIM AGRIMEN: Siaman bilong PNGCC, Pater Danny Guka na Vais Siaman, Asbisop John Ribat i toktok long ol asailam sika trabel long Manus. *Poto: Veronica Hatutas*

larim ol i stap long Australia olsem na ol i kamapim ol dispela protes na ol bikhet pasin.

Em i tok taim ol sekyuriti i laik stopim ol, ol dispela refujj i kalapim banis na go ausait. Dispela pasin i bin kamap taim ol sekyuriti i

bin traime long bringim ol i go bek insait long banis.

77 ol pipel i bin kisim bagarap, na 13 long ol i kisim bikpela bagarap long pait i bin kamap long Sande na Mande.

Palamen i sensisim 10-pela seksen bilong konstitusen

I kam long pes 1...

Palamen i oraitim Distrik Divelopmen lo na rausim JDP&BPC na givim bikpela pawa long ol Distrik Edministreta long kamap bos bilong olgeta pablik sevan long distrik.

Praim Minista O'Neill i tok gavman i putim bikpela mani long distrik na dispela lo bai givim rait long ol distrik i ken go pas na kamapim bikpela projek ol yet na menesim.

Open memba bilong palamen i kamap siaman bilong nupela atoriti.

Palamen tu i kamapim seksen bilong konstitusen bilong makim ol dipatmen het na provinsal edministreta.

Aninti long dispela senis ol open memba, provinsal gavana na ol gavman minista bai stap insait long makim bilong ol dispela gav-

man opisa.

Gavman minista bai go pas long makim dipatmen het long ministri bilong em. Provinsal gavana bai go pas long makim provinsal edministreta na ol open memba bai go pas long makim ol distrik edministreta.

Dispela senis bilong makim ol pablik sevan i kamap bihain long

planti komplek olsem ol dipatmen het na ol edministreta bilong distrik na provins i no save wok bung wantaim ol memba bilong palamen na minista bilong ol.

Long taim gavman i laik kamapim senis em i tok, ol i save hambak bikos ol i save olsem ol memba bilong palamen i no makim ol na bai i no inap rausim

ol. Aninit long dispela senis ol memba i ken mekim save long ol.

Palamen i senism tu 6-pela seksen bilong konstitusen bilong Envairomen na Konsevesen.

Praim Minista O'Neill i tok planti senis bilong lo na nupela lo bai gavman bilong em i kisim i kam long palamen long gutpela bilong kantri.

Palamen nius wantaim Stanley Nondol

Distrika Atoriti lo i kamap

Nupela lo givim pawa long MP long makim pablik sevan

OPEN memba bilong palamen, provinsal gavana na gavman minista nau i gat rait long stap insait long makim ol dipatmen het, provinsal edministreta na distrik edministreta.

Palamen i kamapim senis long seksen 14(2) bilong konstitusen bilong Ogenik lo bilong makim ol pablik sevan na givim pawa long ol lida bilong palamen husat ol pipel i makim long mekim lo na i no mekim wok bilong pablik sevan.

Minista bilong Pablik Sevis Sir Puka Temu i bin kisim dispela senis i kam long palamen na kisim bikpela sapot long vot long 91. I no gat wanpela memba i vot egensim dispela senis.

Aninit long dispela senis, Dipatmen bilong Pesonel Menesmen (DPM) bai skelim ol aplikesen bilong posisen bilong dipatmen het na givim i go long Ministerial Komiti. Na Ministerial Komiti wantaim siaman Minista bilong dispela dipatmen bai makim 3-pela kandidate na givim long Nesenel Eksekutiv Kaunsil long makim.

Long makim provinsal edministreta, DPM bai stretim epikesen na salim i go long PEC we provinsal gavana i siaman. PEC bai makim 3-pela kandidate na salim i go long NEC long kisim las tok save bilong dispela posisen.

Long makim distrik edministreta bai Distrik Developmen Atoriti aninit long nupela lo bai givim ol epikesen i go long PEC na PEC bai makim.

Gavman i tok dispela senis em long mekim ol memba bilong palamen na ol hetman bilong pablik sevan i wok bung long kirapim ol wok developmen.

Gavman taim i kisim dispela bil i go long palamen, i tokaut olsem planti taim ol hetman bilong pablik sevan i no save wok bung wantaim ol minista na memba bilong palamen tasol i no gat isi rot long ol memba na minista i rausim ol.

Dispela senis i rausim wok bilong Pablik Sevis Komisin (PSC) long makim ol het man bilong provins na distrik.

Aninit long dispela senis ol open memba i ken mekim rekomendesen long rausim distrik edministreta, ol provinsal gavana i ken mekim rekomendesen long rausim provinsal edministreta na ol minista i ken saspensim o i ken rausim ol dipatmen het long dipatmen, provins na distrik ol i lukautim.

Palamen i oraitim lo bilong kisim tupela sitisen

PALAMEN long asde i senisim seksen bilong konstitusen long PNG sitisen na ausait sitisen long kisim tupela sitisen tasol nogat tok klia long ol wanem kantri PNG sitisen i ken kisim narapela sitisen aninit long nupela lo.

Dispela senis i kisim bikpela namba sapot long 92 na 0 taim minista bilong Atoni Jenerel, Kerenga Kua i ridim long palamen.

Dispela senis tu i no tok klia ol wanem kantri tu bai kisim sitisen long PNG.

Taim palamen i laik go long las riding long oraitim senis, Minista Bilong Stet Entaprais Ben Micah i askim Mista Kua long tok klia long ol raits bilong ol ausait lain taim ol i kiism sitisen bilong PNG.

Minista Micah i tok sapos ol i gat wankain raits olsem yumi PNG taim ol i kisim sitisen ol i ken sanap long ileksen na winim sia long palamen na i ken olim pablik opis.

Mista Micah i tok em I no gutpela long man o meri I gat tupela sitisen long ronim bikpela pablik opis bikos bel na lewa bilong ol bai i stap long tupela hap.

Mista Micah i tok i mas gat sampela lo long dispela senis long daunim sampela raits bilong ol outsait lain taim ol i laik kisim sitisen.

Mista Kua long bekim i tok, ol outsait lain husat i kisim sitisen long kantri bai ino inap sanap long ilkesen na bai i wok long pablik opis. Em i tok ol wok long praiwet sekta tasol na i no long olim pablik opis.

Memba bilong Kundiawa Tobias Kulang i tok taim ol outsait lain i kisim sitisen long kantri bai ol i baim planti graun na kamap papa bilong planti bisnis bikos ol bai kam in wantaim bikpela amani.

Mista Kulang i tok dispela raitsa bilong ol bai larim ol outsait i ronim ol planti bikpela bisnis.

Peter Namea Isoaimo i nupela memba bilong Kairuku Hiri

Kolopu Waima i raitim

ILEKTRAL Komisina Andrew Trawen i givim rit bilong Kairuku-Hiri open ilektolet bai ilekesen long Gavana Jeneral Gren Sif Sir Michael Ogio long gavman haus asde.

Peter Namea Isoaimo bilong Nesenel Alaiens Pati i bin kisim 20, 792 vot na winim ikekesen.

Olpele memba na kandidate bilong Pipel Nesenel Kongres Paru Aihi i kam namba tu wantaim 17, 669 not na Yunitet Risos Kandidate Henao Induhu kam namba tri na Independen kandidate



Saraga Saki kam namba foa.

Philomena Kassman i wanpela meri kandidate namel long ol 22 kandidate

sanap long dispela bai-ilekesen.

Mista Trawen i tok tenk yu long man husat i wok insait long bai ilekesen olsem ol polis bilong Sentral provins, poling na kaunting opisal na ritening opisa Kila Ebaga na foapela asisten ritening opisa bilong Kairuku, Mekeo, Hiri na Koairi lokal level gavman (LLG).

Komisina Trawen i tok Kairuku-Hiri bai ilekesen i winim K4 milien long 38 poling tim na 152 poling opisal we ilektolet komisin i kisim long sapotim wok. Moa long 204 sentral polis na 150 kaunting opisal i sapotim dispela bai ilekesen.



BSP is proud to support Bank of Papua New Guinea's 'SAVINGS CAMPAIGN FOR YOUNG MINDS' initiative by offering KIDS SAVINGS and SUMATIN ACCOUNTS FREE of ALL service charges.

KIDS SAVINGS ACCOUNT

For children aged 0 - 15 years

- ✓ FREE deposits
- ✓ NO account fees
- ✓ Tiered interest plan

SUMATIN ACCOUNT

For full time students aged 15 - 25 years

- ✓ FREE deposits
- ✓ NO account fees
- ✓ Mobile and Internet Banking

BSP - Promoting a long term savings culture for future generations of PNG

For more information:

- ☎ 320 1212 / 7030 1212
- ✉ servicebsp@bsp.com.pg
- 🌐 www.bsp.com.pg | f t



Official Sponsor of the 2015 Pacific Games

Pato bin stap long PIF bung long Fiji

Kolopu Waima i raitim



Minista bilong Foren Afes Rimbink Pato.

Minista bilong Foren Afes Rimbink Pato i go long Fiji long jonim ol arapela Pasifik kantri long Pasifik Ailan Forum (PIF) Minis-tralKontekGrup (MCG) bung long Fiji.

Em i bin lusim kantri long las wik Fonde. Olgeta Foren Minista bilong Niu Zealand, Australia, Vanuatu, Samoa, Tuvalu na Papua Niugini i bin bung long dispela bung.

Mista Pato, long wanpela statmen i tok as bilong dispela bung em bilong klasim-politikalprogres bilong Fiji long em ken go bek long Palamenteridemokresi na stat long toktok long em ken kam join gen long Pasifik Ailan Forum bihain long ol forum memba i rausim Fiji

olsem Atoni-Jeneral na Minista go pas long ilekesen, AiyazSayedKaiyum, Minista bilong Foren Afes na Intanel Koporesen RatuInoke Kubuokominisa bilong Fiji, Sivil sociati organaisesen na ol arapela saveman.

Ol bikpela samting ol i bin toktok em long wok rere long ilekesen bilong Fiji, nupela lo bilong en na arapela samting bilong mekim ilekesen i go gut long Fiji na tok-tok long Fiji bai kam jonim long PIF na komonwel.

Minista Pato bin mitim ol wan wok bilong em long Niu Zilan, Australia, Fiji na PIF Seketriat na mekim pren toktok na bihain bai mekim kotesikol long Praim Minista bilong Fiji Komondo Frank Bainimarama.

long 2009.

Siaman bilong PIF na Foren Minista bilong Niu Zilan, Murray Mc'Cully i lidim tupela de miting we i bin stat long Fraide na Sarere las wik.

Dispela mitingi lukim planti ol narapela woklain bilong gavman ministries

Juvinail Jastis Bilong Palamen

NESENEL Eksekutiv Kaunsil i tok orait pinis long wanpela nupela Juvinail Jastis bil bai ol i bringim long Palamen long dispela yia.

Nesanel Eksekutiv Kaunsil i bin tok orait pinis long nupela Juvinail Jastis bil, o lo bilong stretim ol pikinini i save mekim trabel. Dispela yia i bin kamap long dispela yia tasol. Praim Minista Peter O'Neill i tok kabinet i tok orait long wanpela Ekt wantaim het tok, 'Juvenile Justice Bill 2014' na long dispela Palamen miting ol bai tokaut long en.

Mista O'Neill i tok Papua Niugini i no gat wanpela klia juvenail jastis system i stap tude.

Dispela Juvenile Kot Ekt 1991 i gat sampela bikpela asua long wok bilong stretim ol pikinini long senisim pasin. I no gat inap aidia o nupela tingting long painim ol kain kain rot bilong stretim hevi na i no ken i go long kalabus. PNG i no gat ol bikpela toktok i karamapim olgeta kain trabel.

"Nesanel Lo na Jastis sekta polisi ol NEC i bin tok

orait long en long Ogas 2001, i tokaut klia long pasin bilong stretim hevi ol pikinini i kamapim long em bai kamap olsem as bilong lo bilong PNG long bihain.

Ol i lukim Juvenail Jastis olsem, wanpela namba wan eria long kamapim nupela," em i tok.

Praim Minista i tok as tingting bilong kamapim nupela lo em bilong strongim Juvenail Kot Ekt 1991 wantaim sampela sistem bilong stretim ol hevi bilong bikhet pasin, long banisim ol pikinini i mekim trabel.

"Moa long dispela, em dispela lo bai kamapim ol rot bilong stopim na pasim ol kain kain pasin nogut na long lainim gen na stretim ol lain i mekim rong na we bilong bringim ol i go bek na stap long komyuniti bilong ol, olsem gutpela sitisen," Mista O'Neill i tok.

Dispela nupela lo bai strongim ol samting olsem; Painim sampela narapela rot long bringim wanbel, bihainim ol pasin tumbuna na long mekim ol lain i kamapim trabel long stretim hevi na i no putim ol long kalabus; putim ol long pro-

gram bai senisim tingting bilong ol; helpim polis long hariap long stretim ol kot kes bilong ol pikinini kamapim hevi na daunim taim bilong wet kot long stap long rum gat o haus kalabus; mekim ol lain i no ken bagarapim ol pikinini taim ol i wok long stap long kot; Ol i mas kamapim wanpela polis sel na haus kalabus bilong ol pikinini yet; ol Juvinail Kot opisa i mas volantia long sekim ol pikinini lain taim ol i stap insait long rum gat long ol i no mas kisim sampela bagarap; na i mas i gat ol polis na volanteri Juvinail Kot Opis i kisim trening long wok bilong ol.

Mista O'Neill i tok dispela nupela lo em i go wantaim wok bilong stretim sampela hap bilong Lukautim Pikinini Ekt 2009, Kriminal Kod Ekt 1974, Koreksenel Sevis Ekt 1995 na Viles Kot Ekt 1974, Koreksenel Ekt 1995 na Viles Kot Ekt 1989 i mas i stap long yusim ol long stretim ol nid bilong ol pininini husat i save gat hevi long brukim lo.

Marape komitim K200 000 long kar memorial praimereri skul

Kolopu Waima i raitim

Fainens na Ekting Minista bilong edukesen James Marape i komitim K200, 000 long Kar Memorial praimereri skul.

Minista bilong Helt na Memba bilong Mosbi Not Wes Michael Malabag i tokaut long dispela long taim em i opim wanpela dabol klasrum bilong elementeri skul long Nesanel Kapital Distrik asde.

Mista Malabag i tok em i bin askim Minista Marape long kam long dispela opening tasol em i besi long Palamen siting na em i no kam.

Mista Malabag i tok Mista Marape i bin salem teks long em na tok em i komitim K200, 000 long dispela skul long skul i ken



mekim moa klasrum.

Mista Malabag i tok moa olsem em bai baim wanpela 15 sita bus bilong ol sumatin we skul bai lukau-

tim long kisim ol pikinini kam long skul na go lusim ol long haus taim ol i pinisim skul.

Em i tok dispela em bilong mekim ol sumatin i no ken kam late long skul.

Mista Malabag i tok Planti kar i pulap long siti, PMV bus tu i sot na ol skul pikinini save go late long skul. Dispela i mekim ol wok late long klasrum long lainim ol pikinini na planti samting ol i no save pinisim.

Ol skul pikinini na papamama husat i kam long lukim Minista Malabag opim klasrum i harim dispela gutpela nius na i amamas na tok tenk yu long Mista Malabag long gutpela tingting na strongim ol long sapotim edukesen bilong ol pikinini.



Infomol sekta em i bun baksait bilong ol lain i stap long POM siti olsem dispela man i wok long salim ol pinat bilong em arere long rot klostu long Sunny Bunny Kindergarten long Gordons. Ol maket i stap tasol, em i westim taim na sindaun long maket. Em i save mekim mani hariap long salim long sait bilong bik rot. Bai yu lukim ol kain sela olsem arere long rot. Toktok na poto Kolopu Waima .

Karr Memorial Praimereri skul kisim nupela dabol klasrum

Kolopu Waima i raitim

OL elementeri skul sumatin bilong Kar Meorial praimereri skul long Nesanel Kapital Distrik bai no inap skul moa aninit long as bilong diwai.

Tenk yu i go long memba bilong Mosbi Not Wes na Mista bilong Helt Michael Malabag.

Minista Malabag i bin givim

K380, 000 las yia bilong Distrik Sapot Emprovemen Program (DSIP) mani long wokim wanpela dabol klasrum bihain long em i bin lukim ol dispela sumatin i no gat klasrum na i bin skul aninit long as bilong diwai.

Mista Malabag, husat i opim dispela klasrum asde i tok, ol dispela kain skul infrastraksa em i wok bilong edukesen dipatmen tasol em i

memba bilong ilektoret olsem na em i mas helpim ol long politikal level.

Mista Malabag i tok, mani bilong distrik mas go aut na yusim long ples klia we olgeta manmeri bai kisim helpim.

Em i tok, ol elementeri pikinini i mas sindaun gut long gutpela klasrum na skul gut bikos elementeri em i stat bilong edukesen.

Long wankain taim, Hetmeri bi-

long elementeri Lorna Mark i tok ol 460 sumatin i bin skul aninit long as bilong diwailong las yia.

"Mipela i tok tenk yu long Mista Malabag long lukim nid bilong mipela. Dispela ol pikinini i bin sina-sun aninit long as bilong Diwaina skul long wanpela yia olgeta. Na nau em rausim bikpela hevi mipela i bin i gat, "em i tok.

Misis Mark i tok, long taim bilong

ren, ol pikinini i no save skul, na dispela i save holim bek na bagarapim wan wan de plen bilong ol tisa long wanpela yia.

"Tasol nau mipela bai mekim gut na pinisim olgeta wok go pinis bilong yia," Misis Mark i tok.

Skul bod siaman Solomon i tok ol i wari tumas long dispela tasol Minista Malabag i lukim wari bilong mipela na i stretim hevi.

JICA bai wok wantaim Maritaim Transpot Divisen

Frieda Sila Kana i raitim

Dipatmen bilong Transpot i amamas long lukim 4-pela Teknikol Edvaisa bilong Japan i kamap long bung wantaim ol long makim kirap bilong wok bung wantaim long projek bilong Pots Menesmen na Polisi Developmen Kepesiti Biling Projek.


Ol saveman bilong Japan bai i kam na wok wantaim ol opisa bilong Marin Transpot divisen long PNG Pots Koporesen inap long 3-pela yia. Em i kaikai bilong wanpela patnasip agrimen JICA na Dipatmen bilong Transpot i bin sanim long Septemba las yia long Pot Mosbi.

Aninit long dispela program ol 4-pela saveman bilong Japan bai i givim trening long ol opisa bilong Marin Transpot long PNG, bikipela long PNG Pots Koporesen.

Long dispela wik tim lida bilong ol 4-pela saveman bilong Japan, Michiharu Nose, i tokaut long wanem kain rot bai ol i wokim dispela wok poroman long lainim ol opisa bilong transpot long PNG.

Sampela toktok em i olsem, ol tim bilong trening bai i kam long ol opisa bilong PNG Pots na ol bai i save raun na mekim wok long 9-pela pots insait long kantri. Skul bai i kamap long Japan na Filipins tu.

Ol memba bilong JICA teknikal tim em; Michiharu Nose, Tim Lida,



Fran lain: L-R Sintano Nakamura, Charles Siniu, FAS Maritaim Transpot Divisen, Sif Shigeru Sugiyama, Sekreteri Mumu, JICA Tim Lida, Michiharu Nose, Kevin Luana, Deputi Sekretri Trensport Teknikol, **Baksait:** Wanpela meri divisenel het, Akira Koyama, Seiichi Kawashima, na sampela divisenel het bilong Dipatmen bilong Transpot.

Akira Koyama em i saveman long bot menesmen, Seiichi Kawashima, saveman long bot gavaning na Edministresen, na Shintaro Nakamura em man i gat save long Lokal Gavman Edministresen na em i gat ekspiriens long rot bilong lukautim na ranim ol lokal pots long Japan.

Tupela opisa moa husat bai i kam long Epril em, Toshio Azuma na Yosuke Watano.

Tim Lida bilong projek, Mista Michiharu Nose i tok, ol laik helpim PNG Marin transpot long kamap wantaim gutpela tingting, gutpela wok na ol wokman bai i gat gutpela

samting long kirapim ol long wok. Olsem na em i askim ol lain husat bai wok wantaim projek tim long ol i mas givim taim bilong ol long kisim skul wantaim dispela lain bilong Japan long ol i ken kisim moa save na kamap gutpela moa long wok bilong ol.

Seketeri bilong Dipatmen, Mista Mumu i tok em i amamas tru long dispela taim bilong statim Kepesiti Biling bilong Pot Polisi na Pot Menesmen.

"Dipatmen bilong Trensport em i namba wan lain long lukautim olgeta trensport bisnis long kantri na dispela kontrak em i bihainim Visen

2050 bilong gavman," Mista Mumu i tok.

Nesanel Trensport Strateji emol i bin lonsim long Julai 2013 i tok klia long Polisi Stetmen bilong Maritaim Transpot na Kepesiti Biling long gavman na praivet sekta wantaim.

Stat nau long mun Februari 2014 i go inap 2016 Dipatmen bilong Trensport i gat bilip olsem bai i gat man long lainim wok wantaim ol Japan teknikal tim na ol i tingting strong olsem bai ol man i no inap senis long dispela tripela yia.

Sekreteri Mumu i tok, em i laik stap yet long opis taim dispela projek bai i pinis long tripela yia bihain,

bipo long kontrak bilong em i pinis long 2017.

Ol lain opisa bilong PNG Pots husat bai wok wantaim ol save lain bilong JICA bai i go long Japan inap long 16 de long dispela yia na tu long las yia bilong trening. Ol bai i go long Filipins long 9 de trening long namba tu yia. Long namba tri yia long Ogas bai ol i go ken long Japan inap long 16 de trening long Tokyo na Sauten Kyusu.

Long ol tupela kantri, ol opisa bilong PNG bai lukim ol wok bilong ol dispela tupela kantri long pasin bilong ranim edministresen bilong maritaim transpot.

Patel helpim Buk Bilong Pikinini

Buk Bilong Pikinini long Tatana Ailan long Nesanel Kepitel Distriki kisim K60,000 i kam long Siaman bilong City Pharmacy Limited (CPL) Grup, Mahesh Patel long helpim laibreri bilong ol.

Dispela donesen i soim laik bilong Mista Patel long helpim ol projek long komyuniti.

Mista Patel em i siaman bilong Telikom na em i save kisim bod fi tasol em i laik givim i go long Buk Bilong Pikinini Laibreri long Tatana Ailan.

Long las yia em i bin givim tu wankain mak bilong mani long dispela skul taim Embesi bilong Swisalan long Australia i wok long sanapim haus yet. Nau i tupela taim

Mista Patel i givim ol bod fi bilong em long dispela laibreri skul.

Dispela yia gen long Mande 17 Februari em i givim dispela kain mani.

Em i bikpela laik bilong Mista Patel olsem olgeta toea long dispela mani i mas helpim long kamapim gutpela laip bilong ol pikinini long dispela komyuniti.

Em i pasin bilong Mista Patel long sapotim ol komyuniti sevis program, na em i helpim pinis planti projek wantaim helpim bilong Siti Famesi Limited (CPL).

CPL em i namba wan long kamapim na sapotim ol komyuniti program olsem, "Meri Seif Ples," Praid bilong ol PNG Meri," na tu long sapotim ol

fama wantaim Stop N Sop supamakot.

Mista Patel i bilip strong olsem bisnis bilong CPL i kamap gut bikos long helpim em i save givim long ol komyuniti sevis.

Na long tingting bilong em, em i laik mekim bikpela senis long kamapim gut sindaun bilong olgeta manmeri na pikinini long Papua Niugini wantaim bisnis na komyuniti sevis bilong em.

Buk Bilong Pikinini i save helpim ol tarangu pikinini husat i no gat sampela rot long painim skul, na wantaim helpim bilong CPL, Buk Bilong Pikinini i sanapim pinis planti ol dispela skul laibreri long ol ples na setelmen long kantri.



Lephan i go rait han: Misis Usha Patel, wantaim Mahesh Patel na Mis Vagi bilong Buk Bilong Pikinini, Tatana

FARM TRACTORS

- Slashers
- Disc Ploughs
- Disc Harrows
- Post Hole Augers
- Trailers

PORT MORESBY: 323 2658 | Digicel: 7215 0333 / 7217 9815
 LAE: 472 6324 KOKOPO: 982 8748 | email: machinery@agmark.com.pg

Wara Miye i gat pawa tu ya

USINO Ples insait long Usino-Bundi distrik, long Madang provins nau i gat bikipela ren na ol asples i tok ren bai pinis long namba foa mun. Na tude, ren i kamapim planti tait na ol asples i painim taim stret long brukim ol liklik han wara we bipo i save kam inap long mak bilong skru bilong lek. Riva Miye insait long Usino i tait tu na Jerry Borket i painim taim long brukim na i askim poro bilong em long yusim kanu i go long hapsait. Tasol dispela kema man, Mathew Yakai i swim

na brukim tait wara long wanem em i tingting planti long kalap long kanu bilong ol Usino asples. Riva Miye em wanpela bilong ol kain han wara we i save biket nogut tru long taim bilong ren. Het bilong Riva Miye em dispela bikipela bris we i joinim Madang na Hailans we tait wara i bin brukim i no long taim i go pinis na ol pipel na kar i painim rot.

Mathew Yakai (MY Media & News Agency) I raitim story na kisim piksa



Madang provinsal gavman bai sapatim papagraun na projek

GAVANA bilong Madang, Jim Kas i tok klia olsem em na provinsal edministresen bilong em bai sapatim ol papagraun bilong Kurumbukari (KBK) insait long Bundi we Ramu NiCo Main i sanap long en.

Tasol em i tok klia tu olsem dispela ol helpim bai i kam aninit long luksave bilong lo na ol narapela agrimen i stap pinis, olsem Memorandum ov Agrimen (MOA). Em i tok wanem ol komitmen ol patna na stekholda inap wokim long em ol i mas mekim kamap we ol papagraun bai benefit tu long Ramu Nikel projek.

Membra bilong Usino Bundi, Anton Yagama na Provinsal Edministreta Bernard Lange tu i sapatim dispela tingting bilong gavana long asples Enikuwai klostu long KBK Main long Tunde 4 Februari.

Gavana Kas i bin kamap long Eenikuwai Rilokesin ples long givim wanepla bekim o rispons bilong wanpela petisen we ol papagraun i bin givim em long Janueri 25 long ol bel hevi bilong ol long wok divolopmen na sevis long KBK.

Bekim bilong dispela petisen em olgeta stekholda i bin sindaun na bungim tingting em ol eria olsem pawa saplai, marasin bilong



Gavana Jim Kas i bekim toktok bilong petisin long Enikwai asples long Kurumbukari.

haus sik, wara saplai bilong rilokesen haus, rot bilong kar, emploimen na trening, edukesen na ol narapela bel hevi.

Gavana i bekim ol dispela hevi na givim olgeta bekim pas o rispons i go long Siaman bilong KBK Len Ona Asosiesen, Mathew Dengua husait bai sindaun wantaim ol eksekutiv bilong asosiesen na paitim toktok bihain long ol i ken tok save long ol pipel.

Long taim Mista Kas i givim bekim pepa bilong petisin, em i autim belwari bilong em we nesenel gavaman i no save sindaun wantaim Madang provinsal gav-

man long stretim ol dispela hevi em nesenel gavman yet i bin kamapim.

Tasol Mista Kas i tokim ol pipel olsem em bai kisim dispela hevi bilong ol i go tu long palamen we em i laik bai Minista bilong Main na Praim Minista tu i mas luksave long en.

Long wankain taim, membra bilong Usino Bundi, Anton Yagama i tok em bai makim maus bilong ol pipel bilong em na pait strong long gavman na kampani i mas givim ol sevis aninit long MOA.

Tasol em i tokim ol pipel olsem ol kain askim i mas kamap aninit long luksave bi-

long lo olgeta taim.

KBK Lendona Asosiesen Siaman Mathew Dengua i tok olsem ol dispela hevi em i no nupela tasol em i bin kamapim long ol planti kibung we i bin kamap pinis long ol stekholda na em i askim ol patna insait long Ramu NiCo i mas stat harim tok o sapos nogat, bai i gat bikipela hevi i kamap bihain taim.

Tasol Ramu NiCo i tokaut na tok stret olsem olgeta komitmen bilong em aninit long MOA em kampani bin kamapim na i laik mekim moa wok aninit long nupela MOA sapos projek i kamap gut na kamapim planti winmani klostu taim.

Japan helpim tupela skul

GAVMAN bilong Japuni helpim tupela bus praimer skul long wokim klasrum bilong stretim hevi bilong sumatin i pulap long wanpela klasrum.

Dispela tupela praimer skul em HaelanaPosilum. Haella praimer skul i stap long Talasea Lokal level gavman long Wes Nu Briten na Posilum praimer long Karinz lokal level long Sauten Hailans provins.

Dispela tupela skul i

bungim bikipela hevi olsem planti pikinini i kam skul tasol i no gat inap klasrum long olgeta bai sindaun na skul.

Planti pikinini i pulap long ol wan wan klasrum na dispela i mekim ol pikinini i no wok gut long skul na kwaliti bilong edukesen i go daun.

Embasenda bilong Japan Hiroharu Iwasaki i bin sainim wanpela angrimenkontrak wantaim maus-

man bilong tupela skul long las wik Trinde long Mosbi.

Embasibilong Japan i tok dispela tupela projek i kisim maniap long K 482, 000. Dispela manii kam long Gren Asisten bilong Grasrut Human Sekuriti Projek (GGP) long gavman bilong Japan.

GGP i bin helpim long "strongim pipel tru long edukesen na laip skil" makim gol bilong Papua Niugini vision 2050.

Polis i arestim Wewak polis stesin Komanda

WOK painimaut long wanpela trabel i bin kamap long ples Kawanumboasait long Wewak igo het yet na ol polis arestim na sasim polis stesin komanda(PSC) bilong Wewak polis stesin na foapela arapela polis man.

Dispela wok painimaut tim i arestim PSC InspektaSakawarKasieng na foapela arapela polisman long paitim, skim haus na mekim pasin nogut long wanpela meri krismas bilong em 18 long Desemba las yia.

Polis i bin painim foapela gan long haus bilong ol we gavman i no givim ol long holim. Wanpela bilong ol em M16 eksabit raifel, no gat laisens long holim, ol i painim long haus bilong Mista Kasieng.

Tripela arapela gan; asalt raifel, sotganna ACE 22 Galil raifel ol i bin kisim long konstabel Damien Kalinau. Wok painimaut long dispela tripela gan em go het yet.

Is Sepik provinsal polis komanda Joe Poma i saspindim Mista Kasiengna tokim em long givim opis ki bilong em, gan na polis kar.

Mista Kasieng i kamap long kot long las wik Fondena kam aut long K2, 000 polis beil. Wanpela faivdua Toyota Len Krusa ol polis i lokim long polis stesin.

Mista Kasiengi tok dispela kar em Gren Sif Sir Michael Somare i bin baim bilong em tasol kar i gat gavman plet namba i stap nau long polis stesin.

Ol dispela polisman i bin paitim Presiden bilong Is Sepik Women Kaunsil ov wimen Sofie Mangai, Katakis Martin Wavina Manase-Hamba, sumatin bilong St Xavias haikul long Wewak.

Tupela nupela polisman na arapela tupela oksalari konstabol membra bilong ID24 tim em ol i sasim long mekim pasin nogut, tupela kaun bilong paitim na wanpela kaun bilong bagarapim ol samting.


Polis wok painimaut tim lida Donald Yamasobi i toktok wantaim lain bilong ol man husat i kisim bagarap na tok lo bai mekim save long husat polis i bagarapim ol. Ol i tok wok painim i go het yet.

Deputi polis komisina bilong operesen, Sam Kauba i singaut long ol pipel bilong Wewak long helpim polis long wok painimaut bilong ol na bai mekim isi long ol polis long kisim ol arapela trabel man na sasim ol.

"Olgeta man i stap aninit long lo wantaim ol polis tu," Mista Kauba i tok.

Ol 45 nupela polis meri i greduet

Polis Komisina Toami Kulunga i lukluk raun long ol nupela polis man na meri long Bomana Polis Koles. *Poto Kolopu Waima.*



Ol nupela polis man na meri i mas go long fil. *Poto Kolopu Waima*

Kolopu Waima i raitim

Foti faiv nupela polis meri i bin stap namel long 223 polis opisa husati bin pas aut long Bomana polis koles las wik Fraide.

Dispela em namba wan lain igo insait long trening long Julai 2013.

Komisina bilong polis Toami Kulunga i salensim ol nupela polis manmeri long soim disiplinlong Konstabulari long polis stesin, bareks

na komyuniti.

Em i tok ol bai bungim planti salens tasol em i tokim ol long wok strong long holim lo na mekim gut wok we ol pipel i laikim.

“Yupela bai bungim planti salens na tok gris. Abrusim ol dispela na wok gut. Sapos yupela i no wok stret, na pundaun long ol dispela trabel, em bai yupela go aut long polis fos, ol man i stap long helpim i stap sapos yu nidim helpim. Traim na askim ol supervais-

ing opisa na ol bai helpim yupela,” em i tok.

Mista Kulunga i tokim ol longno ken bagarapim laip bilong olna bagarapim nem bilong polis fos tu long ol pasin we i no gutpela we “yupela i save pinis olsem em i wrong long wokim bai bagarapim laip bilong yupela.”

Ol dispela polis opisa i bin kisim trening long 26 wik na lainim ol dispela samting daunbilob;

- Besikelemen ov lo
- Polis prosesa

- Edministresen
- Komyuniti Rile-sen
- Domesitk vailens
- Ripot raiting na
- Fisikal pit (pitnes, selpdifens na holim gan)

Komisina Kulunga, PNGDG komanda Gilbert Toropo, Australian Federal Polis Assisten komisina Allan Scott, Asisten Komisina (Human Risos) Francis N Tokura, AFP polis na papamama bilong ol nupela polis manmeri i bin stap long lukim ol i greduet.

Bikhet polis bai lusim wok, Kulunga i tok

Kolopu Waima i raitim

Plantilong ol nupela polis man na meri husat i save greduet na pas aut long Bomana polis koles i save mekim kranksi pasin na bagarapim gutpela nem bilong Royal Papua Niugini Polis Konstabulari.

Polis Komisina, Toami Kulunga i mekim dispela toktok long taim 223 nupela polis man na meri i pas aut long Bomana Polis Koles las Fraide.

Mista Kulunga i tok, “Mi save kisim planti ripot nogut long ol supervaisingopisaolsem planti

ol nupela polis man na meri wantaim sampela ol olpela polis i no save mekim wok gut na ol i no soim rispek long ol pablik manmeri.”

Em i tok kain pasin olsem bai no inap kamap long dispela koles “mi bai no inap larim ol bikhet

polis long wok na stap long RPNGC.”

“Mi bai go het long rausim kain polis man na meri husat i no rispektim rait bilong

pablik na mekim nabaut long pawa ol i gat. Yunifom yupela i putim em i sain bilong lo, oda nabel isi. Dispela yunifom mas i gat

tras na rispek. Em i no bilong pretim ol pablik,” Mista Kulunga i tok.

Em i tok ol yet i mekim disisen long kamap polis nai mas

mekim ol wok gut anit long lo. Sapos ol i painimaut olsem wok i no gutpela long ol, orait ol i mas raitim leta long risain na lusim wok.

Difens bilong PNG na Amerika gat wankain gol

Wanpela biknem man long Amerika Difens pos husat i bin kam long PNGFos las wik i tok Difens bilong Amerika na PNG i gat wankain gol. “PNG em i impoten kantri bilong Amerika long wok pren insait long Pasifik. Tupela kantri (Amerika na PNG) gat

wankain gol na gat strongpela wok pren taim PNG kisim independens i kam nau,” Mista Mathews i tok.

Em i tok U.S. Pasifik Komand bes long Hawaii, i bikipela U.S militeri bes long ol narapela U.S militeri komand i gat long ovasis opere-

sen. U.S. Ami Pasifik i gat moa long 100, 000 duti pos na save lidim planti ol senia lida long wok bilong U.S Ami long kantri olsem Australia, Filipin na Tailan.

Mista Mathews i tok U.S. Ami laik helpim ol Pasifik kantri militeri long mekim wok gut na sapotim gavman bilong ol.

Em i tok, “Mipela i tingting strong long lo na sivilien gavman, na mipela wok long lukautim na larim wok go moa yet.

Mipela gat kliia mak long wok bilong ol ami na sivilien atoriti, wok bilong mipela ol ami em bilong ol sivilien atoriti,” Mathews i bilip long ol disiplin militeri wok, kod, etik na rul.

Mista Mathews i tok U.S i gat ol saveman bilong amii redi long givim trening long kamapim gut militeri operesen long ol taim nogut.

Em i tok skelim wok taim long taim nogut na stap gut wokim pren long Pasifik impoten na kam bilong em i soim planti bilong ol gutpela samting bai kam bihain.

Mista Mathews i tok U.S i laik givim sapot long Papua Niugini nai laik lukim PNG go antap narapela mak na kamap lida long ol arapela Pasifik kantri.



Meja Jeneral Roger Mathewsi bungim na tok amamas i go long nupela Komanda bilong PNG Difens Fos Gilbert Toropo.

**BACK 2 SCHOOL
BACK 2 THEODIST
25% OFF!**

**BACKPACKS, SACHELS, DUFFLE BAGS, LUNCHBOXES,
DRINK BOTTLES, PENCIL CASE & MORE**



smash **REYEX** **EBOX**

PROMOTION ENDS FEBRUARY 28TH!!

CALL OUR SALES TEAM TODAY!

WAIGANI DRIVE PORT MORESBY
Ph: 325 6500 Fax: 325 0302 Email: sales@theodist.com.pg
MARKHAM ROAD, LAE CITY
Ph: 472 5438 Fax: 325 0302 Email: saleslas@theodist.com.pg

THEODIST LTD
THE STATIONERY SUPERMARKET

Gavana Naru tokaut long K5 milien skul fi helpim bilong Morobe sumatin

GAVANA bilong Morobe, Kelly Naru i baim K531, 660.50 skul fi bilong Morobe provins husat i skul nau long Yunivesiti ov PNG (UPNG) long las wik Fraide.

Ol sumatin bilong Morobe i no bin rejista long tupela wik i go pinis bihain long wanpela toksave i kam long opis bilong Vais Sansela long Februeri 17 olsem olgeta sumatin i mas baim olgeta fi bilong ol pas-taim long ol i ken rejista. Na taim Gavana Naru i harim dispela em yet i go long UPNG na bungim pro-Vais Sansela, Profesa SubbaRao na Rejistra, Jennifer Popat. Gavana Naru i kisim toksave olsem UPNG i gat planti bilna dispela i mekim ol i putim autnotis, olsem na ol i no inap kisim tokoraitleta i kam long ol sponza.



Morobe Gavana Mista Naru i givim sek long UPNG pro vais sansela Profesa PulabaSubbaRao (raithan) na Morobe student asosesen presiden Andrew Zuhukepai sanap wantaim ol Morobe sumatin.

Mista Naru i tokim Provinsal EdministretanaTresera long raitim wanpela sek-mani hariap tasol long stretim rejistresen bilong ol Morobe sumatin long UPNG, na em i tokim

UPNG edministresen tu olsem ol bai baim rejistresen bipo long skul i stat.

Gavana Naru yet i go na givim K531,660.50 na em i promis long

givim UPNG edministresen rejistresen bilong ol Morobe sumatin long PNG.

Em i tokim ol sumatin olsem Morobe provinsal gavman i gat bikpela tingting na luksave i stap long divelopim human risos bilong provins.

Las yia provinsal gavman i bin baim K5 milien long helpim ol Morobe sumatin na long dispela yia provinsal gavman i redim arapela K5 milien long baim skul fi bilong ol Morobe sumatin husat i stap long ol koles na yunivesiti long kantri.

Gavana Naru i tok olsem nau yet akaun bilong Gavman i pas yet na dispela i givim hevi long gavman i sponza long ol sumatin. "Mipela i ting olsem long bihain, UPNG mas save gut long operesen akaun bi-

long gavman we i save pas long mun Novemba inap long mun Mas bilong narapela yia, olsem na mipela i no inap long kisim mani hariap long baim rejistresen fi bilong ol sumatin long taim stret," Mista Naru i tok.

"Mi amamas long givim yupela dispela K531,660.50 bilong yupela ol sumatin long rejista na statim stadi bilong yupela, tasol mi laik tok lukaut long yupela long stadi strong na noken hambak bikos mipela i putim bikpela mani long edukesen bilong yupela," Mista Naru i tok.

Presiden bilong Morobe Student Asosesin, Andrew Zuhukepai i tok amamas long Gavana Naru na edministresen bilong em long helpim ol sumatin long taim stret na ol sumatin i ken go skul.

Edventis skul tisa kisim moa trening

OL tisa husat i gat diploma nau i ken kisim moa skul long kisim digri aninit long Seven De Edventis Edukesen Program.

Sonoma Edventis Koles long Is Nu Briten wantaim Pasifik Edventis Yunivesiti (PAU) i bung wantaim

long givim wanpela 3 yia digri program long ol skul tisa long PAU kempas ausait tasol long Pot Mosbi.

Nesenel Asosiet Edukesen Seke-teri bilong SDA Sios long PNG, Jim Yawane i tok dispela program bai kamapim moa tisa i gat bikpela

save pepa long wok tisa long ol elementri na praimer skul.

"Mipela i laik kamapim gutpela faundesen bilong ol pikinini na kantri," Mista Yawane i tok.

Em i tok, Sios Edukesen Program em wanpela namba wan samting

sios i save lukluk long en. Sios Edukesen Program i save traim long helpim wok bilong edukesen long kantri bihainim ol tingting na plen bilong Gavman.

Dispela digri program i kisim 102 tisa nau i stap long kos. Edventis Developmen na Rilif Ejensi long kantri (ADRA PNG) i sponza long 100 aninit long Sios Patnasip Program (CPP), na tupela i baim bilong ol yet.

"ADRA (PNG) wantaim mani i kam long CPP i save helpim planti ol program i save bilong mipela na mipela i amamas long sapot bilong ol," Yawane i tok.

Pastaim, CPP-ADRA yet i save putim mani long trenim ol tisa tasol wantaim digri program, ol i givim i go bek long Edventis Misin long ol yet i bosim.

Ol tisa husat i wok long kisim dispela kos i bungim mani olsem K52,000 long helpim long kos bilong balus tiket, rot trenspot na Edventis Sios i helpim wantaim K100,000 na CPP-ADRA i lukautim trening wantaim K120,000.

Long 2007, Edventis Sios i kisim mani i kam long CPP ADRA PNG opis long givim trening long 200 praimer skul tisa long kisim diploma. Dispela em i go wantaim ol plen bilong gavman long apim save na setifiket pepa bilong ol tisa long Praimeri Skul.

Bihain long 3 yia program i pinis long 2009, CPP-ADRA i baim skul bilong 200 moa elementri tisa long wokim Setifiket skul bilong Elementri Tisa kos long Sonom Edventis Koles.

Back to school?

A Westpac Personal Loan can help pay for your children's school fees.

You can also use it to pay for excursions and uniforms.

Find out how to apply today.



Call 322 0888

Email westpacpng@westpac.com.au

Visit www.westpac.com.pg

Banking for generations.



AMAMAS LONG SKUL: Tupela yangpela ya i wokabaut i go skul long Kokopo Praimeri skul taim 2014 skul yia i bin stat. **Poto: Michael Novingu**

K200,000 moa bilong Kaugere Klinik

Frieda Sila Kana i raitim

KAUGERE Foskwea klinik long Pot Mosbi Saut ilektoret, Nesenel Kepitel Distrik i kisim K200,000 long dispela wik Tunde, olsem donesen i kam long Pasifik Pams Propeti bilong Stim Sip Treding Kampani.

Dispela donesen em hap bilong mani we bai helpim Living Lait Foskwea Helt Sevis long baim ol ikwipmen bilong putim insait long nupela klinik.

EBOS Health and Science (PNG) Ltd em i kampani husat bai baim na putim olgeta ikwipmen na samting bilong wok insait long klinik. Edministresen Opisa bilong EBOS, Nameh Minol i bin stap makim Brans Menesa, Martin Debono, long kisim dispela K200,000 sek.

Memba bilong Pot Mosbi Saut na Minista i lukautim Spots na 2015 Pasifik Gems, Justin Tkatchenko i bin stap long witnesim Jeneral Menesa bilong Pasifik Pams Propeti, Andrew Potter i givim dispela sek i go long meri i makim EBOS, Nameh Minol.

Minista Tkatchenko i tok olgeta



Minista Tkatchenko wantaim Andrew Potter, Senia Pasto Rodney Tomuriesa, Helt Edministreta bilong Living Lait Helt Sevis, Josephine Mamis, Nameh Minol bilong EBOS na ol woklain bilong Kaugere Klinik na EBOS i sanap wantaim piksa bilong K200,000. *Poto: Nicky Bernard.*

ikwipmen bai kos olsem K490,000, olsem na opis bilong Pot Mosbi Saut ilektoret bai givim narapela K290,000 bai i kam long helt sekta fan bilong Distrik Sevis Impruvmen Program (DSIP).

Jeneral Menesa bilong Pasifik Pams Propeti, Mista Potter i tok, Stimsip i wokim bisnis insait long

hap bilong Kaugere, Badili olsem na ol i laik givim sampela helpim i go bek long komyuniti.

Senia Pastor bilong Living Lait Foskwea Sios, Rodney Tomuriesa i tok tenkyu tru long Memba bilong Pot Mosbi Saut long bikpela sapot bilong em.

Na tu long Pasifik Pams long

givim dispela bikpela donesen long putim ol samting bilong wok insait long klinik.

"Mipela i stap olsem wasman tasol bikos klinik em i stap long graun bilong sios. Mipela bai lukautim dispela propeti bilong olgeta lain long Pot Mosbi Saut. Mipela tenkyu tu long Pasifik Pams

Propeti long givim dispela mani. Mi harim ol i gat ol Komyuniti Dvelopmen Projek olsem tu." Pasto Rodney i tok.

EBOS Helt na Saiens PNG Ltd em i bin stat wok insait long PNG long yia 2000.

Em i wanpela kampani i stap long New Zealand tasol hap brans bilong em i stap long Pot Mosbi long PNG. Olgeta woklain bilong EBOS em bilong PNG yet. Olsem na wanpela man husat bai putim ol ikwipmen em Martin Jack, em i wanpela Biomedical Ensinia.

Mis Minol i tok taim ol i putim ol dispela ikwipmen, em bai ol i gat waranti na tu ol bai save stretim taim masin i no wok gut.

Olgeta ikwipmen bai i kam long bikpela bak stua bilong ol long Nu Silan, tasol ol samting em ol i baim long kain kain kantri long wol tu.

Minista Tkatchenko i tok, bai i gat bikpela opening bilong klinik taim olgeta ikwipmen i stap insait.

Nupela Kaugere Klinik bai i gat wanpela dokta, planti helt woka, dentis, famesi na i gat de wod bilong aut pesen tu i stap.

Em i gat Eksiden na Imejensi (A&E) tu we bai i lukim ol lain i kisim bagarap hariap.

Basamuk salim ol sumatin long APO skul

JAMES G. Kila i raitim

OKUPESENAL Helt na Sefti Nesing Opisa bilong, Ramu NiCo Menesmen (MCC) Limited long Basamuk long Raikos Distrik long Madang Provins, i laik yusim ol yangpela manmeri i lusim skul na i stap nating long mekim wok bilong helt long komyuniti.

Paul Konare, i traim long painim rot long bringim ol yangpela manmeri insait long Basamuk long go skul long Gaubin Komyuniti Helt Woka na Nesing Skul long Karkar Ailan.

Mista Konare i tokaut olsem em i luksave long

hevi bilong helt insait long eria olsem na em laikim ol lokal lain bilong ples long hap i ken go skul long kamap etpos odeli (APO) o nes eid long sevim ol pipel bilong Raikos.

I gat 7-pela etpos i bin stap pastaim long hap, Mebu, Deing, Digin, Kumisanger, Orima, Raikos haiskul na Ganglau. Tasol ol wokman long ol dispela etpos em ol lapun bilong bipo taim na i no go strong long sevim komyuniti. Olsem na i gat bikpela nid stret long ol yangpela wokman na meri long kisim ples na strongim wok bilong helt long eria.

Mista Konare i tokaut tu olsem long nau yet tripela etpos i pas pinis. Ol dispela etpos em long Mebu, Deing na Raikos haiskul.

Em i toktok pinis wantaim ol papamama bilong ol sumatin husat nau i stap nating long ples bihain long ol i pinisim gret 10 na 12 long redim rot blong ol long go skul long Gaubin CHW trening senta.

Mista Konare i tok em i redim rot tu wantaim bod siaman bilong Gaubin CHW trening skul long kisim ol sumatin long go mekim trening long neks yia 2015.

Em i tok olsem em bai toktok moa wantaim ol lain

long Gaubin CHW trening skul sapos i gat entri tes o sampela kain pepa wok long mekim na em bai toktok wantaim ol papamama bilong ol sumatin long Raikos long redim ol yet.

Mista Konare i tok tarangu planti ol lain sumatin bilong Raikos na Basamuk eria i pinisim gret 10 na gret 12 tasol ol ol i stap nating long ples, olsem na em i tingting long helpim ol.

Em i tok bikpela samting em skul fi, tasol salens nau i stap long ol papamama long strong na helpim ol pikinini long go skul long 2015.



OH&S nesing opisa Paul Konare helpim wanpela pikinini long Mingming viles long Raikos. *Poto: James Kila*

2014 Wantok Ridasip Seve Toksave



Dia Wantok Rida, Wantok Niuspepa bai karim aut 2014 Wantok Ridasip Seve long neks mun, Mas 2014. Dispela wok painim bai helpim Wantok long luksave na strongim wok bilong em long dispela kantri. Stadi bai kamap long tripela rot.

- Baim niuspepa long mun Mas na pulumapim fom insait na feksim, postim o emailim i kam
- Ol wokman ba i kam long ol ples bilong baim pepa na askim ol seve kwesten.
- Kisim fom long website www.wantokniuspepa.com na pulumapim na salim i kam

Taim yu bekim gut ol askim na salim fom i kam, bai yu inap long WININ ol prais olgeta wik inap long pinis bilong seve.

Salim fom i kam long dispela edres:

2014 Wantok Ridasip Seve,
Pox Box 1982, Boroko, National Capital District
Phone(675) 3252500, Fax (675) 325 2579. Email: word@wantok.com.pg, www.wantokniuspepa.com

By Menesmen

Baim meri wantaim Stail

PLANTI hap long Papua Niugini i save baim meri long pasin tumbuna tasol tude em prais i wok long go antap isi, isi na i save givim hevi long sampela marit laip tu.

Buana Ragela, meri i save lukautim wok bilong edministresen na fainens long Word Pablisng Kampani na Wantok Niuspepa i bilong ples Tauruba na ol i baim braid prais bilong em long ples Gamoga. Em i bilong Tauruba long Rigo Distrik, Sentral Provins tasol famili bilong em i save stap long ples Gamoga.

Las yia long Julai ol lain bilong man bilong em long Abau i bin baim braid prais bilong em long ples bilong em long Rigo.

Ol tambu bilong em i kam long Abau na Westen Provins long baim em. Planti lain long Rigo tu ol famili na bisnis bilong em i go bung long dispela taim. Samting olsem 200 lain i bin bung. Braid prais bilong Buana em K27,000 kes mani na ol kaikai, pik na ol narapela samting i go antap moa long K50,000.



Buana Ragela i redim ol bet bilong putim ol yam na ol narapela samting bilong braid prais.

Lokol bisnis meri i go pas long Fiseris Kopretiv Sosaiti

Frieda Sila Kana i raitim

PLANTI meri nau i wok long kam antap long kisim ples namel long ol man long holim bikpela posisen long sosaiti.

Wanpela kain meri olsem, em Catherine Kila bilong Madang. Em i

wanpela bisnis meri i gat haia kar bisnis na em i gat ril estet long Madang taun we em i gat wanpela haus em i putim long rent. Sampela yia i go pinis nau em i stap olsem memba bilong Madang Fiseris Kopretiv Sosaiti (MFCS) na em i sia meri long ol 7-pela dairekta bilong sosaiti.



Catherine Kila, Siameri bilong Madang Lokol Fiseris Kopretiv Sosaiti i bin go long Pasifik Tuna Forum long 2013. NFA i bin mekim rot bilong em i go long dispela forum.

Misis Kila i gat bikpela amamas long Nesenel Fiseris Atoriti long helpim long kamapim Madang Kostol Fiseris Kopretiv Sosaiti na tu long ol i helpim ol long ranim wok. NFA i bin givim olpela fiseris senta long MFCS i yusim long kirapim wok bilong ol, na ol Ovasis Fiseri Kopresen Faundesen (OFCF) bilong Japan i bin helpim long stretim. OFCF i givim wanpela kar bilong edmin wok na tupela 20 fut bot na tupela 40 Hos pawa moto ensin.

"Fiseris bisnis i gat planti hevi bilong em na em i nidim bikpela taim bilong ol lain i wok insait long mekim bisnis i kamap gut," Misis Kila i tok.

"Olgeta wok mipela wokim em i volandia tasol, mi gat bikpela tenkyu long bos meri bilong NFA, Eksektiv Menesa, Provinsel Sapot Industri Dvelopmen (PSID), Welete Wararu long em i save givim liklik ol luksave long mipela ol lain i go pas long ol fiseris kopretiv long ol provins," Misis Kila i tok.

Misis Kila i givim luksave tu long ol 6-pela wan wok bilong em ol man insait long ol dairekta bilong kopretiv sosaiti bilong ol, long ol i save wok gut tru wantaim em.

Madang Fiseris Kopretiv i save helpim ol lokol fis fama long salim ol pis long ol maining kampani, hotel na ol skul institusen.

NFA i gat 6-pela lokol fiseris kopretiv sosaiti long kantri na Madang em i wanpela bilong ol. Ol Provinsel Fiseris opisa i save helpim ol memba bilong Lokol Fiseris Kopretiv Sosaiti long ol wok bilong lukautim pis, kisim pis na salim pis long mekim mani.



Yut, Meri na Famili
Pastor Barbara Lunge

Kisim Holi Spirit bai yu stap gut

SAPOS yu wanpela meri o man i wok long painim trupela amamas, pasin bilong laikim narapela, bel isi long tingting bilong yu, gutpela sindaun, stretpela pasin, laip i gat mak na visen long senisim wol, pasin bilong sori na serim samting wantaim narapela lain na mekim stretpela pasin, yu bai kisim stret na ol narapela samting moa, sapos yu opim bel bilong yu na kisim Holi Spirit i kam insait long laip bilong yu.

"Bihain bai mi kapsaitim spirit bilong mi long olgeta manmeri. Na ol pikinini man na pikinini meri bilong yupela bai i autim tok profet.

Na bai ol lapun man i lukim ol samting olsem driman. Na long dispela taim bai mi kapsaitim spirit bilong mi tu long ol wokboi na ol wokmeri nating" (Joel 2:28)

Baptais bilong Holi Spirit em i wanpela presen God i laikim yu mas i gat. Yu mas bilip olsem God i laik givim yu gutpela samting tasol. Wankain tasol em i bin givim pikinini bilong em, Jisas Kraus.

Papa i save givim gutpela samting, na em bai i no ken givim yu giaman samting. Bilip na kisim Holi Spirit. i gat tupela rot God i save givim Holi Spirit bilong em long ol bilipman na meri.

Em i kapsaitim wantaim pawa bilong heven. (Aposel 2:1-4, 10:44-48) Planti taim Jisas i save baptaisim ol pipel wantaim Holi Spirit long wanem kain hap ol i stap, taim ol i askim em. Narapela taim bai narapela lain i save pre long ol na ol i kisim Holi Spirit.

Sampela taim ol narapela Kristen bai putim han long ol na pre na ol i kisim Holi Spirit. Aposel 8:14-19

Tok ples bilong Holi Spirit em i mak olsem Holi Spirit i stap insait long yu. Em i narapela we bilong God i ken strongim bilip bilong yu. (Jude 20).

Taim yu pre ong Spirit, yu pre stret i go long God na em i save abrusim save na tingting bilong yu. Taim yu pre long tok ples bilong Holi Spirit, bai yu no mekim prea wantaim mi pasin. Rit long Rom 8:26-27; Efesis 5:18-20.

Yu welkam long ba bilong kandre Joel, em i save op olgeta aua long olgeta de na yu ken kisim fri wain i kam long heven, yu no inap baim!!!

Bilong wanem na yu lusim mani bilong yu long ol bia na wain we i save kamapim hevi long laip bilong yu?

Profet Aisaia i tok, "Yupela ol manmeri i dai long dring wara, yupela kam long mi na dring. Na yupela ol lain i no gat mani, yupela kam long mi, na yupela kisim kaikai. Kam na kisim fri wain na susu.

Bilong wanem bai yupela i pinisim nating ol mani bilong yupela long ol samting i no inap helpim yupela, na yupela i stap hangre yet? Putim gut yau long tok bilong mi, na mekim olsem mi tok, na bai yupela i pulap tru long ol kain kain gutpela kaikai mi givim yupela. Yupela ol manmeri bilong mi, harim.

Yupela kam long mi na bai yupela i stap gut. Bai mi mekim kontrak wantaim yupela, na dispela kontrak bai i stap oltaim.

Na oltaim bai mi laikim yupela tumas na mekim gut long yupela, olsem bipo mi bin promis long King Devit." Aisaia 55:1-3.

Sapos yu laik toktok moa o yu nidim prea, yu ken rait long: Evangelis Barbara Lunge, ROGIM, P.O. Box 3063. Boroko. NCD. PNG, o ring long 70995378 dg

PUBLIC NOTICE

To Our Valued Customers
Please note that our PARTS DEPARTMENT will be CLOSED For Parts Stocktake on the 22nd - 23rd February 2014.

Ela Motors
Your First Choice

Ol Luteran Sios lida kamapim wanbel

Eric Sinebare i raitim

HEVI na pait namel long Luteran sios na kampani bilong en, Luteran Siping, mama kampani Kambang Holding, i stap longpela taim na i kamapim planti toktok kros namel long ol wokman na meri bilong sios opis long Lae na tu, long operesen bilong kampani insait long Luteran Sios.

Tasol nau dispela hevi i lus na ol i kamapim bel isi na i wanbel long strongim gen wok bilong sios.

Dispela i wanpela bikpela toktok i bin kamap long Karkar Ailan Luteran sinod ong Madang provins long las mun.

Hevi bilong tupela siaman bilong kampani na tupela bod i wanpela bikpela hevi i bin go long kot na dispela i no inap long pinisim. Olsem na tupela wantaim i taitim na tok hevi i stap yet.



SOIM PASIN WANBEL.

L-R. Sios Seketeri Albert Tokave, Bipo Sif Jastis Sir Arold Amet, bisop bilong Kainantu distrik i beten long sekhan na wabel, Het Bisop Reveren Gegere Wenge na Riki Mitio na ol grup i soim wanbel pasin.

Sinod i bin kamapim wanpela gutpela rot we spirit bilong God i kamapim pasin bilong lusim sin na kamapim wanbel pasin.

Riki Mitio em i wanpela siaman bilong siping bod wantaim ol narapela bod memba. Sir Arnold em i wanpela siaman tu

ol i makim.

Long sinod, Mista Mitio na Sir Arnonld i autim sori na hevi na dispela i bringim wanbel i kamap.

Het Bisop, Reveren Gegere Wenge, i bin autim bikpela amamas i go long olgeta tim na save lain i laik sevim sios na tu,

i wok long pinisim dispela hevi na kamapim wanbel.

Bisop i tok dispela wanbel long tupela grup i bilong lusim olgeta kot na ol arapela tok pait na bai gat gutpela tingting long kamapim wanpela bod na siaman, na ranim sios na ol bisis bilong em i go yet.



Yumi mas kamap gutpela stia wokman

LONG dispela mun Februari 2 i kam inap long Sande 23 Februari em i bihainim tru sku Jisas i skulim ol disaipel bilong em antap long maunten (Mt 5:1-12).

Taim Jisas i autim tok antap long maunten, em i lukluk long ol biklain manmeri i kam long bung. Taim em i lukim laip bilong ol manmeri i stap tarangu tru long spiritual laip bilong ol, Jisas i sindaun na skulim ol disaipel long ol tarangu manmeri laip ol i bungim long en.

Bikpela skul olsem ol man i stap rabis long ai biong God, ol man i kra i stap, ol man i daunim nem bilong ol yet. Ol man i stap hangre na dai long wara. Ol man i marimari long ol arapela, ol man i belgut na ol man i daunim belkros. Ol man i bihainim stretpela pasin long ol man i tok nogut bikos long gutpela wok, na sutim kain kain tok giaman we ol bai kisim gutpela samt- ing, amamas na malolo long heven. Em i tru, Kingdom bilong God em bilong ol, bikos God i luksave long ol hevi na mak ol i kisim long dispela graun.

Em nau Jisas i givim tupela kain wok long ol wok boi bilong em.

Namba wan em, ol disaipel i mas kamap wankain piksa olsem ol dispela ol manmeri na mekim wok namel long ol manmeri. Komitmen na tras, na laip bilong ol yet long spesel ministri Jisas i singautim ol, na salim ol long go aut na mekim wok long nem bilong God Tri Wan.

Namba tu, em long helpim ol long fisikel na spiritual hevi ol dispela manmeri i bungim long laip na bringim i kam insait long banis bilong Kingdom bilong God. Na bai God i luksave long wok bilong ol.

Long dispela astingting tasol Jisas i luksave long ol boi bilong em bai ol i mekim olsem na em i tok, "Yupela i olsem sol na lait. Em nau yupela i kamapim gutpela wok insait long laip bilong ol manmeri long dispela graun bai i gat teis kamap gutpela olsem sol na mekim pasin tudak i mas pinis na lait i mas sain. Olsem, yumi Kristen i mas kamap sol na lait bilong God.

Yumi lukim pasin pamuk i go bikpela, pasin pe bek, pasin bilong brukim marit, pasin stil, mi pasin, pasin jelesi, pasin bilong praid na planti moa i bagarapim gutpela sindaun bilong Kristen. Olsem yumi Kristen i mas kamap sol na lait long daunim ol dispela pasin nogut na mekim laip i mas kamap helti o gutpela.

Kliaim Tingting long Posin na Sanguma

PNG i stap long narapela mak bilog stap wantaim ol arapela kantri long wol.

Ol nupela developmen, Kristeniti na ol nupela teknoloji i kisim yumi i go fowed, tasol strongpela bilip long sampela tumbuna samtng i stap yet.

Wanpela long ol em sanguma na posin we tude yumi harim, ritim na lukim planti samtng i kamap insait long ol komyuniti ol i sutim tok long sanguma na posin olsem as long ol i kamap.

Bilong helpim ol Kristen manmeri, bai Wantok i putim ol sotpela toktok olgeta wik we ol save risets lain long Melanisen Institut i redim na kamapim long wanpela liklik buk ol i kolim long "Kliarim Tingting long Posin na Sanguma", Namba 2


Edisen.

Dispela buk i toktok long sampela tumbuna kastom i stap yet long PNG, em ol bilip bilong posin na sanguma. Planti misineri i bin strongim ol pipel long lusim ol dispela kastom.

Tasol bilip long ol kain puripuri samtng i stap yet, na i wok long kamapim trabel long planti ples. Bilip na pret long posin na sanguma i no samtng bilong ol ples lain tasol, nogat.

Em i stap long taun tu. Planti ol saveman na meri i wok long gavman, haus sik, skul na sios tu i save bilip long pawa bilong kain kain posin, na ol tu i save pret long ol "sanguma manmeri".

Lukim moa stori bilong dispela pasin neks wik.



Wanpela Baibel long wanpela bilum

Tim Scott, SIL Ukarumpa i raitim

WANPELA nupela patnasip ol lain bilong Baibel trenslesen muvmen long PNG i kamapim long strongim wok bilong ol em, "Bilum Kavanen".

Moa long 25 sios ogenaisesen i bin sainim dispela Bilum Kavanen long namba wan bung bilong ol las yia.

Ol i bin wanbel olsem "Wanpela Baibel long olgeta wan wan bilum" em gol bilong nupela patnasip.

Ol lain i lukim olsem ol man na meri wantaim i save yusim bilum long karim olgeta samtng olsem mani, fon, kaikai, paiawut na planti samtng moa.

Ol patna i bung na toktok long ol salens, ol nid, plen na rot long inapim ol wok na moa yet, tanim tok na ol wok developmen long dispela eria.

Dispela Bilum Kavanen i sapotim strong Baibel trenslesen wok long moa long 280 tokples insait long dispela kantri we i no stat yet.

Ol wok na bung long promotim na go hetim dispela muvmen na wok i go het na ol i bilip long dispela nupela yia, ol bai lukim sampela gutpela samtng i kamap.



Bilum Kavanen i nupela tingting long strongim patnasip wantaim Baibel trenslesen muvmen na ol sios ogenaisesen hia long PNG.





Em ABC Televisen niusmeri long India, Stephanie March long New Delhi, biktaun bilong India i tok laip bilong ol pipel bilong India, i wankain liklik olsem Pasifik.

Laip bilong ABC niusmeri long India

Laip bilong ol pipel bilong India, i wankain liklik olsem laip long Pasifik, tasol sampela pasin em i narakain stret.

Em ABC Televisen niusmeri long India, Stephanie March long New Delhi, biktaun bilong India i tok laip bilong ol pipel bilong India, i wankain liklik olsem Pasifik.

Stephanie March i bin wok bipo long Palaman haus long Kanbera, na pastaim long dispela em i bin wok long Solomon Ailan.

Las wik Fonde em World Radio Day na Stephanie i bin stori olsem maski India i gat samting olsem moa long wan bilien pipel, ol i save harim wanpela gavman redio stesin tasol, olsem long PNG bai ol i harim tasol National Broadcasting Corporation, o long Solomon Ailan bai ol i harim tasol Solomon Islands Broadcasting Corporation.

Stephanie March i tok tu olsem maski ol pipel i gat wanpela redio netwok tasol, ol i gat moa long 700 ol televisen stesin.

Em i tok tu olsem ol pipel i save bihainim sampela bikpela lotu, tasol planti pipel tru i save bihainim lotu bilong Hindu.

Mis March i tok tu olsem planti pipel long India i save long Australia, tasol taim em i save bungim ol, planti taim ol i save askim em long pilai kriket na sapos em i save long ol biknem man bilong pilai kriket long Australia olsem Kepten bipo, Ricky Ponting.

Australia, tasol taim em i save bungim ol, planti taim ol i save askim em long pilai kriket na sapos em i save long ol biknem man bilong pilai kriket long Australia olsem Kepten bipo, Ricky Ponting.

Julie Bishop i laik rausim tambu long Fiji

Foren Minista bilong Australia Julie Bishop i tok Australia bai rausim travel tambu em i gat wantaim Fiji. Dispela bai wanpela long samting em bai tok tok long en long dispela tupela de lukluk bilong em i go long Fiji.

Julie Bishop i go long Fiji na toktok long Fiji ileksen na rausim ol travel ban Australia i putim long Fiji. Ms Bishop i bin go kamap long Fiji long Fraide olsem memba blong Pacific Islands Forum Ministerial Contact Grup long lukluk long wanem samting Fiji i mekim nau long redim em yet long kamap wanpela demokretik kantri gen.

Em bai toktok wantaim interim Praim Minista bilong Fiji Frank Bainimarama long biktaun Suva.

Mis Bishop i bin tokim ABC intenesenel TV stesin, Australia Netwok olsem em i gat bikpela laik long lukim ol wok pren namel long Australia wantaim Fiji i kamap orait gen.

Ol memba bilong MSG bai holim toktok wantaim ol senia gavman Minista, ol politikal pati em ol i resjista pinis na ol arapela sivil ogenaiesen long painimaut wanem ol samting Fiji i mekim pnjis long redi long demokratik ileksen i kamap bipo long mun Oktoba dispela yia.

Mis Bishop i tok dispela grup bai toktok long ol rot bilong helipim dispela ileksen, na lukluk tu long rausim ol tambu Australia i putim long ol Fiji lida i save laik raun i go long Australia, na tu, ol tambu Fiji i putim long ol nius ripota bilong ol narapela kantri.

Em i tok Australia i laik helipim ilektoral komisin bilong Fiji long lukim olsem ileksen bilong dispela yia bai i mas kamap.

Mis Bishop i tok Australia bai helipim Fiji long bringim bek demokrasi na holim fri na stretpela ileksen.

Australia i bin putim dispela tambu long Fiji long taim Komado Bainimarama i bin tekova long gavman long wanpela militeri ku long yia 2006.

Atoni Jeneral bilong Fiji Aiyaz Sayed-Khaiyum i tok dispela ol tambu Australia i putim long ol bikpela gavman opisa bilong Fiji i kamapim bikpela wari. Bai em i toktok wantaim Mis Bishop long dispela samting.

Trabel long Manus asailam senta

Wanpela dokta long Manus i tok i gat bikpela namba bilong ol asailam sika i bin ranawe long ditentsen senta.

Imigresen Minista bilong Austraila Scott Morrison i bin tok olsem sampela bagarap i bin kamap long Manus ailan ditensen senta long las wik Fraide. ABC ripot i tok olsem ol lain helt woka long dispela ditensen senta i tokim wanpela lokel dokta olsem i gat bikpela namba bilong ol asailam sika i bin ranawe.

Ol i bin tokim dokta long i redi long ol bagarap bai kamap long ol, tasol dokta Otto Numan i tok i no gat ol asailam sika o ol gad i kisim bagarap na i go long haus sik.

Refugi Action Coation, wanpela grup long Australia i bin tok ol protes long senta i bin kamap bikpela long dispela de yet.

Dispela grup i tok ol asailam sika i brukim daun banis waia long dispela nait yet na ol raiot polis i bin go long stopim ol trabel.

Ol toktok i no klia wanem samting i bin kamapim dispela trabel o hamas asailam sika i bin ranawe.

Imigresen Minista Scott Morrison i bin tok olsem i bin gat sampela trabel long senta long Fraide nait.

Em i tok em i bin kisim ripot olsem ol wokman na meri i bin orait na senta i bin orait na i no gat trabel .

Mista Morrison i bin tok stret olsem polis i bin arestim sampela asailam sika na sampela i bin go kisim bagarap na ol i go kisim marasin.

Em i tok tu olsem i bin gat sampela bagarap long ol samting insait long senta.

Mausman bilong Oposisen long Imigresen long Australia, Richard Marles i bin askim gavman long hariap na tok klia long wanem ol samting i bin kamap.

Mista Marles i tok pastaim i bin gat kain hevi olsem i bin kamap long Manus, na namba wan bekim bilong Scott Morrison i bin tok olsem dispela em i samting bilong Papua Niugini. Em i tok dispela kain bekim bilong gavman bilong Australia i no stret.

Em i tok dispela senta i bikpela samting long asailam sika polisi bilong Australia, ples em planti pipel bilong Australia i wok long en, na em i bikpela samting long pipel bilong Australia i mas save long ol samting i wok long kamap long hap.

Nau long dispela taim i gat samting olsem 1,300 asailam sika i stap long Manus ailan.

Poto nius - poto nius



GUTBAI PREN: Rex Paki em bikman loya na tambu, 4-pela meri lida i gat long en Theresa Jaintong, Isten Hailans Gavana Julie Soso, Memba bilong Sohe. Dellilah Gore na Komyuniti Dvelopmen Minista Loujaya Kouza i tok gutbai na givim laspela luksave long Scholar Warai Kakas, strongpela meri lida i save pait strong long ol rait, agensim pasin vailens na bagarapim ol meri na wankain luksave bilong ol. Funerel sevis i bin kamap las wik Tunde long Sen Joseph's Boroko, Pot Mosbi. **Poto: Nicky Bernard**




MAS REDI OLTAIM: Wok ripota i ken kisim yu long ol kain ples na stap i gutpela, bungim hevi na birua na samting yu no inap tingim bai kamap. Hia em sampela niusman i pusim kar i dai long wanpela bikpela wara long Koromira, Sentrel Bogenvil taim ol i lusim Buin na wok long go bek long Arawa taim ol bin bihainim Praim Minista Peter O'Neill i go Bogenvil moa long tupela wik i go pinis. **Poto: Veronica Hatutasi**



TAIT IGO DAUN: Ol ripota (Liam Cochrane bilong ABC, Rolland Banaba bilong PNG FM, Cedric Pajole bilong PNG Edge na Augustine Kili bilong EM TV) i stop long sait bilong dispela bikpela wara long Koromira eria, Sentrel Bogenvil na lukluk long taitwara i go daun. Haiwe rot long Bogenvil i pulap long ol bikpela na liklik wara olsem dispela. **Poto: Veronica Hatutasi**

PNG i mas opim maus long sindaun bilong ol refuji long Manus



Klostu olsem wanpela yia i go pinis, gavman bilong PNG wantaim Australia i hait tasol na pasim tok long opim gen refuji kem long Manus Ailan. Australia i kisim taim bikos ol lain refuji i wok long kalap long sip long Indonesia na go sua long Australia. Ilesken promis bilong olpela Praim Minista Kevin Rudd em long stopim ol dispela "bot pipel" long krungutim Australia. Em nau ol edvaisa bilong em i tokim em olsem PNG i wanpela ples nogut tru na sapos ol dispela asailam sika i save olsem bai ol i go long PNG bai ol i no inap kalap long bot long kam long Australia. Gavman bilong PNG i yesa tasol long Australia bikos yumi laik "helpim pren" bilong yumi.

Long dispela wik yumi harim nius bilong ol trabel i kamap long dispela refuji kem long Manus nau ol i kolim rijonal

prosesing senta. Em i ples bilong ol lain refuji Australia i no laik helpim. Ripot i kam long Manus i tok i bin gat trabel i kamap long Sande nait long dispela senta na wanpela man i dai na sampela i kisim bagarap. Sampela i bin ranawe tasol ol i holim ol pinis. Em i no namba wan taim long trabel i kamap long dispela senta namel long ol dispela asailam sika. Long taim namba wan trabel i kamap na ol i askim gavman bilong Australia long tok klia, gavman bilong ol i tok dispela hevi em i samting bilong Papua Niugini.

Gavman bilong Papua Niugini i mas hariap long painimaut wanem as bilong trabel long Manus. Na i mas gat tok klia long wanem kain sindaun bilong ol dispela lain long bihain taim. Bai ol i kamap sitisen bilong PNG o bai PNG i painim narapela kantri long kisim ol o olsem

wanem? Na wanem wok bilong Australia long painim narapela kantri bilong ol dispela pipel. Australia i tok klia olsem em i no laik ol i go long Australia. Orait em i mas go pas long painim narapela kantri bilong ol.

I gat bikpela tambu tru i stap long ol outsait lain i go long dispela senta we ol dispela lain i stap long en. Ol lain bilong Australia i go pas long lukautim na ol yet bai givim tokorait long husat i ken go insait na wanem samting ol i ken mekim. I no gat rot bilong ol nius ripota i go long dispela hap. Em i olsem wanpela strongpela kalabus bilong ol dispela lain asailam sika.

Gavman bilong PNG tu i mas tok klia nau long ol pipel bilong kantri. Mipela i askim bikos long taim bilong tok orait namel long tupela kantri, planti samting i hait na gavman i no bin tokaut. Em i no tokaut long ol pipel bi-

long kantri na ol pipel bilong Manus tu. Olgeta wok i bin kamap hariap tru na nau yumi lukim sampela hevi i wok long kamap ples klia nau.

Yumi olgeta i paul bikos dispela wok bilong holim ol refuji i stap long wanpela kalabus em i kalapim sampela lo we i tok klia long rait bilong ol refuji.

Mama lo bilong PNG tu i tok klia olsem olgeta manmeri na pikinini bilong dispela kantri i gat rait long gutpela laip na sindaun, na i no gat wanpela man o gavman i ken rausim dispela rait bilong ol. Watpo bai yumi tok nogat long dispela rait bilong ol refuji.

Narapela askim i go long opis bilong Yunaitet Nesen i save lukautim ol refuji (UNHCR). Ol i ting wanem long dispela arensmen bilong PNG wantaim Australia? Ol i wanbel long en o olsem wanem?

Nem bilong PNG i bin bagarap long taim yumi bihainim laik bilong Australia na tok yesa. Yumi laik kisim mani Australia i promis long givim long stretim ol haus sik na arapela bikpela wok em gavman bilong yumi i feil long mekim. Angau haus sik em wanpela eksampel bilong dispela pasin.

Tude yumi givim nem asailam sika long ol dispela lain refuji. Ol i ranawe lusim ples bilong ol bikos woa i kamap na sindaun bilong ol i bagarap. Ol i laik painim wanpela narapela kantri we ol i ken stap fri na sindaun gut wantaim famili bilong ol.

I tru olsem i gat ol konman long Indonesia husat i kisim mani long ol dispela lain long karim ol i go long Australia. Tasol em i samting bilong Australai yet long kelim na stretim. Watpo bai PNG i go insait long dispela wari bilong Australia.

Yumi no gat ol saveman long stretim ol pepa na painim narapela kantri bilong putim ol dispela asailam sika. Yumi no gat plen bilong holim ol i stap longpela taim long kantri. Yumi bihainim laik bilong Australia tasol.

Wan yia pinis na i mas gat wanpela rivi i kamap long tok klia sapos dispela program bilong holim ol dispela lain i stap long Manus i wok o nogat. Bai i gat moa hevi i kamap long dispela senta na PNG i no gat save na eksperiens long kontrolim dispela hevi.

Na i luk olsem yumi bai karim nem nogut gen long humen raits bilong ol dispela lain asailam sika. Wanpela man i dai pinis na planti i kisim bagarap. Bai yumi pasim maus na ai long dispela hevi o olsem wanem?

Ol Westen Provins sumatin kisim taim

Sape Metta i raitim

OL skul long kantri i stat pinis, na ol sumatin i go long ol klas, stat long ol ementer na i go antap long ol bikpela edukesen institusen.

Planti long ol dispela sumatin husat i go long skul ol bikpela institusen long kantri em ol palamen lida bilong ol i peim ol skul fi bilong ol. Dispela pasin i kamap long ol sumatin bilong Westen Provins.

Wanpela papa bilong Saut Fly long Westen Provins em Bro Nagram husat i wok na stap long Goroka, Isten Hailans. Em i tok em i pilim

bikpela pen na wari long ol sumatin bilong Westen provins bikos peimen bilong ol skul fi em opis bilong ol memba na gavana i no stretim hariap na salim i go long ol skuls bipo long ol skul i stat.

Em i tok ol sumatin husat i go pinis long ol skul na institusen long planti ol senta i wok long bungim hevi nau long wanem, dispela kain ol skul na institusen i wok long rausim ol bikos ol i no kisim ol skul fi i kam long opis bilong ol memba na gavana long provins bilong ol.

Mista Nagram husat pikinini gel bilong em i go skul long Goroka Teknikol Koles i tok, em i wari bikos

ol sumatin long provins bilong em i go long ol arapela provins long statim skul, tasol taim institusen fi i no go kamap, ol skul i wok long rausim ol sumati. Na ol bai i go slip we na kisim kaikai olsem wanem?

Em i tok, planti ol fes na seken yia sumatin i stap yet long ol ples bilong ol long provins, long wanem, i no gat ol fan long helpim ol long go bek long skul.

Mista Nagram i apil long Gavana Ati Wobiro na tripela open memba long hariap na givim mani na fandim skul fi we ol skul na institusen i ken putim ol sumtain i go long wan wan skul.

Em i tok long olgeta yia, Flai Riva Provinsal gavman i no save hariap long ol skul fi, olsem na ol sumatin i save kisim taim.

Mista Nagram i tok, "Olsem wanpela papa mi bilip long humen risos trending bikos em i ki long bringim developmen i go long bildim ap provins.

Na Westen provins i sot long humen risos. Olsem na ol sumatin bilong mipela i wok long kisim taim long wanem, mipela i no tingting strong long developim gutpela edukesen bilong ol pikinini bilong mipela.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga
Acting Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Ol poto raun bilong las wik



Praim Minista Peter O'Neill i bungim na sekanim Jason Chaffetz, wanpela memba bilong palamen bilong Amerika. Mista Chaffetz i kam raun long PNG long dispela wik long lukim nupela embaseda bilong Amerika na wok bilong em. Poto: Embasi bilong Amerika Midia



GOLDIE: Meja Jenerel Roger Mathews i wanpela senia ami opiel bilong Pasifik koman i bin raun i kam long PNG las wik. Long poto, em i lukim ol PNGDF memba long Goldie Bareks ausait long Mosbi. Poto: Embasi bilong Amerika midia



AMAMAS LONG BUNGIM: Memba bilong Pot Mosbi Saut Iektoret na Minista bilong Spot na 2015 Pasifik Gems, Justin Tkatchenko i amamas long bungim ol wok lain bilong EBOS, kampani bai baim na putim ol samting bilong wok insait long Kaugere Foskwea Klinik na ol woklain bilong Pasifik Pams Properti, bilong Stimsip Kampani. Pasifik Pams i givim K200,000 long baim ol ik-wipmen long klinik. Poto: Frieda Kana



ADAL LITERESI: Sampela ol bikpela manmeri i skul long Anglikea Adal Literesi skul long Waigani, Nesenel Kapitil Distrik. Poto: Veronica Hatutasi



SEKIM PEREID: Deputi Polis Komisina, Awan Sete na Komisina Tom Kulunga i sekim pereid bilong ol nupela greduet long Bomana ausait long Mosbi. Poto: Kolopu Waima



AUSTRALIA FEDEREL POLIS: Sampela bikman meri bilong Australia Federel Polis long greduesen seremoni bilong ol polis long Bomana long dispela wik. Poto: Kolopu Waima

Anton Yagama em i stap memba yet bilong Usino Bundi

Mathew Yakai i raitim
MY Media & News Agency

SAPOS yu think olsem memba bilong Usino Bundi, Anton Yagama em kot i bin salim go 9-pela mun kalabus na dispela bai rausim em long sia bilong em olsem memba bilong Palamen, bai yu mas save olsem em i no tru. Yagama, husat i asples man long Sinopas long Mendi hauslain, Bundi distrik em i memba yet bilong Usino Bundi.

Long Tunde Februari 4, Mista Yagama i kamap long asples Enikwai klostu long KBK Main wantaim Gavana bilong Madang Jim Kas we em i tokim ol pipel olsem em i stap yet olsem memba bilong ol.

"Harim ha..mi memba bilong yupela. No ken harim kain kain tok nabaut. Bai no gat bai-ileksen. Mi stap yet memba bilong yupela," Mista Yagama i tokim ol pipel.

Jas Cannings long Madang Nesenel Kot i save olsem sapos kot i salim Yagama i go long kalabus moa long 9-pela mun bai lo i tok em bai i no moa memba bilong Palamen. Tasol Cannings i luksave olsem dispela kain disisin bai givim bikpela hevi long ol pipel bilong Usino Bundi we bai i no gat wanpela lida na em i salim Yagama i go 9-pela mun kalabus tasol.

Kot i bin salim Yagama na Peter Yama wantaim ol sapotas bilong tupela i go long kalabus long Fraide Janueri 31 long sas bilong kontemp ov kot.

Kot i luksave olsem long September 2, 2013, tupela i no bin stopim ol sapota bilong tupela long kamapim sampela birua long kot na ol narapela long wanpela kot harim we i bin kamap long Madang Nesenel Kot. Peter Yama i bin petisin i egensim win bilong Yagama long Usino Bundi ileksen. Kot i salim Yagama i go 9-pela mun na Peter Yama go 6-pela mun long Beon haus kalabus.

Ol loya bilong Yagama i bin tokim kot olsem memba yet i no bin stap long stopim ol sapota bilong em long mekim kain pasin na tu memba i kisim gutpela karekta ripot long Presiden bilong Diwain Wud Univesiti, Fr. Czuba na Pasta Kario olsem em i gutpela sitisen, man i save pretim na rispekem lo na i wanpela gutpela Kristen. Loya i bin tokim kot tu olsem Yagama i no gat sampela rekot nogut na em i bin kopret gut wantaim polis olsem na kot i mas marimari long em. Yagama i bin traim long kontrolim ol sapota bi-

long em, na tu em i bin tok sori long kot long dispela birua pasin.

Tasol Jas Cannings i luksave olsem Mista Yagama em i strongpela lida na em inap stopim ol sapota bilong em long kot haus tasol em i no bin mekim. Na long dispela as, kot i luksave olsem taim man i laik distebim gutpela wok bilong kot, em i mas kisim mekim save. Luksave bilong man long sosaiti olsem memba, bisnisan, lida o wanem kain man em i impoten tasol mekim save i mas kamap yet olsem bai ol narapela lain tu i luksave na i no ken mekim wankain bikhet pasin.

Kot i tok Yagama inap long go kalabus inap 18 mun olsem ol sapota bilong em. Tasol kot i tok sapos Yagama i kalabus 18 mun, bai aninit long lo em bai i no inap stap olsem memba.

Kot i luksave olsem sapos Yagama i lusim sit bilong em bai dispela i kamapim sampela birua long lidasip bilong em na ol pipel bilong Usino Bundi bai no gat lida.

Kot tu i bin gat pawa long rausim Yagama na Yama long haus kalabus we tupela i ken baim fain mani o saspensen kalabus. Tasol Jastis Cannings i tok strong olsem long dispela kot bilong tupela, astingting bilong kot long stopim kain birua pasin i kamap bihain em bai i no inap stap yet. Olsem na long stopim ol man na lida wantaim ol sapota bilong ol long pretim kot o narapela pipel long taim bilong kot bai nau i mekim save long tupela bai go stret long haus kalabus.

Long Fraide Janueri 31, ol loya bilong Yagama na Yama i putim eplikesen long Suprim Kot na kot i rausim tupela bihain long tupela i stap 10-pela aua tasol long Beon haus kalabus.

Dispela kot bilong tupela bikman ya salim wanpela strongpela tok save i go long ol man or meri husat i kamap long ol kain kot petisen na ol narapela kot we planti sapota i save pretim narapela lain o i no soim rispek long wok bilong kot. Kontemp sas em i wanpela strongpela sas bilong ol lain husat i no soim rispek long wok bilong kot.

Na tok pisin i stap klia olsem Hon. Anton Yagama em i memba yet bilong Usino Bundi na dispela kot i no bagarapim luksave olsem memba. Jas Cannings i bin tok klia.


Usino Bundi em wanpela impoten distrik insait long Madang provins na kantri. Dispela ilektoret bipo i no bin gat nem na no gat bikpela divelopmen. Tasol tude, dispela distrik i gat bikpela ol projek olsem Ramu NiCo, Marengo, Ramu Suga na tu wan-

pela bikpela oil projek. Dispela ol projek bai kamapim nem bilong kantri i go antap moa.

Wantaim ol kain bikpela projek olsem, Usino Bundi i nidim ol gutpela na strongpela lida wantaim gutpela lidasip na save i mas stap long ranim na lukautim Usino Bundi.

Ol gutpela lida i mas wok klostu wantaim ol bikpela divolopa na kisim ol gutpela na bikpela servis i go long ol asples Usino Bundi pipel husat gavman bilong bipo i no bin luksave i kam inap nau.

Na tu, Usino na Bundi i mas senis long gutpela rot aninit long gutpela na strongpela lidasip we papa God i makim.



Anton Yagama i toktok long ol lain Enikwai olsem em i memba bilong Usino Bundi.



Yagama wantaim ol deligesin bilong Madang provinsal gavman na Gavana Jim Kas i wokabaut wantaim wanpela singsing grup.



Ol mama i tok welkam long Yagama long ples Enikwai.

YUMIFM Program bilong Wanwan De

De - Mandé - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing b'long bifo.
 6:30am - Nius Hetlains
 6:45am - Bonde grtins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori b'long putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona b'long yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains b'long Belo Taim - Laik b'long yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwas na dedikesen
 12:15pm - Komuniti Notis Bod
 12:20pm - BELO Pack - Belo taim rekwas na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - Nius - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skeim lokal musik 6pm - 7pm
- NAIT BEAT - Host: Vaviessie
 6:00pm - MAJOR NIUS BULLETIN - YUMIFM Nius Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - YU TOK - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon NIUS - YUMIFM Nius Senta
 12 - 2pm - Sandei Belo Taim Music
 2:00pm NIUS - YUMIFM Nius Senta
 2pm - 6pm - Sandei Avinun Draiv Music
 6pm - Nius - YUMIFM Nius Senta
 6pm - 8pm - GOSPEL REKWES AJA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM
HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karent Afes
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Mama Graun
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

EMTV Television Guide

MANDE FEBRUERI 17, 2014

9:30 PM G **NEWS REPLAY**
followed by the Australia Network

4:00 AM G AUSTRALIA NETWORK
WITH JOYCE MEYER
EMTV NEWS REPLAY
TODAY
CLASSROOM BROADCAST
 09:00am - Grade 6 Science
 09:50am - Grade 6 Maths
 10:40am - Grade 7 Maths
 11:20am - Grade 7 Science
 01:00pm - Grade 8 Maths
 01:50pm - Grade 8 Science
 02:30pm - DEP (I)
3:30PM G KIDS KONA
OLYMPIC HIGHLIGHTS
DAY 9
CRIME STOPPERS
EMTV NATIONAL NEWS
CIRCUS - EP#1/6 - Rerun
BUSH PILOTS 7/10
COCA-COLA SPORTS SCENE
EMTV NEWS REPLAY
followed by the Australia Network

TUNDE FEBRUERI 18, 2014

5:00 AM **WITH JOYCE MEYER**
EMTV NEWS REPLAY
TODAY
CLASSROOM BROADCAST
 09:00am - Grade 6 Science
 09:50am - Grade 6 Maths
 10:40am - Grade 7 Maths
 11:20am - Grade 7 Science
 01:00pm - Grade 8 Maths
 01:50pm - Grade 8 Science
 02:30pm - DEP (I)
3:30PM G KIDS KONA
OLYMPIC HIGHLIGHTS
DAY 10
EMTV NATIONAL NEWS
HAUS& HOME Ep#54
BUSINESS PNG - Ep#6/2014
MERLIN S2 - Ep#5/13

FONDE FEBRUERI 20, 2014

4:30 AM G **AUSTRALIAN NETWORK**
WITH JOYCE MEYER
EMTV NEWS REPLAY
TODAY
CLASSROOM BROADCAST
 09:00am - Grade 6 Science
 09:50am - Grade 6 Maths
 10:40am - Grade 7 Maths
 11:20am - Grade 7 Science
 01:00pm - Grade 8 Maths
 01:50pm - Grade 8 Science
 02:30pm - DEP (I)
4:30 AM G KIDS KONA
OLYMPIC HIGHLIGHTS
DAY 12
EMTV NATIONAL NEWS

7:00 PM G RAITMUSIK EP#199
RESOURCE PNG Ep#14/06
SOKAXTRA EP#08/2014
HOT SPOT EP#08/2014
9:30 PM PG ELITE MUSIC ZONE
EP#2014/08
NEWS REPLAY
followed by the Australia Network

FRAIDE FEBRUERI 21, 2014

4:00 AM G **AUSTRALIA NETWORK**
WITH JOYCE MEYER
EMTV NEWS REPLAY
TODAY
CLASSROOM BROADCAST
 09:00am - Grade 6 Science
 09:50am - Grade 6 Maths
 10:40am - Grade 7 Maths
 11:20am - Grade 7 Science
 01:00pm - Grade 8 Maths
 02:30pm - DEP (I)
4:30 PM G KIDS KONA
OLYMPIC HIGHLIGHTS
DAY 13
CRIME STOPPERS
EMTV NATIONAL NEWS
IN MORESBY TONIGHT -
2013 - NRL CLASSICS
 TITANS vs. STORM - Round 26
8:30 PM PGR FRIDAY NIGHT MOVIE "Dune"
EMTV NEWS REPLAY
followed by the Australia Network

SARARE FEBRUERI 22, 2014

4:30 AM G **AUSTRALIA NETWORK**
EMTV NEWS REPLAY
IN HIS STEPS EP#08
TBA
YOGA CITY EP#11/13 rpt.

8:30 AM G AMAZING SPIES -
ESCAPE FROM SCORPION IS
TBA
TRAPPED CASTAWAY EP316/26
SKIPPY - Waratahs
AUSTRALIA NETWORK
OLYMPIC HIGHLIGHTS
DAY 14
OLSEMANEM EP#14/08
EMTV NATIONAL NEWS
RL WORLD CLUB CHALLENGE

SYDNEY ROOSTERS vs WIGAN WARRIORS - Live
8:30 PM G SKUL BILONG YUMI
SATURDAY NIGHT MOVIE -
FLIPPED - 2010
Comedy/Drama/Romance
11:30 PM G EMTV NEWS REPLAY

SANDE FEBRUERI 23, 2014

3:30 AM G **AUSTRALIA NETWORK**
EMTV NEWS REPLAY
IT IS WRITTEN
HILLSONG
AUSTRALIA NETWORK
YOGA CITY EP#12/13
BUSINESS PNG YR.3 #06 Rpt.
MARTIN MYSTERY EP#28
OLSEMANEM EP#14/08
RESOURCE PNG EP#14/06
LOVE BITES WITH JOEY
ITALIAN FOOD - EP#1/13
OLYMPIC HIGHLIGHTS
DAY 15
GARDEN GURUS
EMTV NATIONAL NEWS
PACIFIC WAY Ep#25
7:00 PM G TOKPIKSA EP#2014/08
60 MINUTES
8:30 PM MAO SUNDAY NIGHT MOVIE
HILLSONG Rpt...
10:30 AM G EMTV NEWS - Replay
followed by the Australia Network

Kora Alu soim nek

Nicky Bernard i raitim

na lukim brata bilong em i pilai. Planti taim tupela brata bilong em i save pilai kibot na gita Kora i save sidaun long sait bilong tupela na singsing tasol.

Dispela taim nau nek bilong Kora i wok long senis na kamap olsem resa stret, maski em singsing isi tasol ol narpela haus lain klostu long ol i save harim nek bilong Kora.

Kora bin raun go long Gold Club long Mosbi long amasim mama bilong em husat kam bek long Australia bihain long em i go lusim brata bilong (Kora) em. Dispela taim nau planti manmeri long hap i harim nek bilong Kora taim ol kandre bilong



em long Gwadu ben i singau-tim em go antap long singsing.

Danis ples i no mek nais long ol manmeri, planti i putim ai long Kora taim em singsing. Taim namba wan singsing pinis ol manmeri askim em long singsing gen.

Planti ol kandre man meri bilong em i stap long dispela taim tu i paul olgeta long em taim em singsing. Na planti ol manmeri husat i save long papamama bilong em i go sekhan long tupela long strongim pikinini meri bilong tupela Kora long singsing.

Kora Alu tu em namba wan taim em i soim nek bilong em long ples kia. Yumi no save wanem taim gen bai em soim. Ating sapos i gat resis bilong singsing na soim ol stail nek bai Kora Alu putim nem na yu harim nek bilong em.

Raun
wantaim
Wantok
kru...

TORO



BIABIA



KANAGE



KROWSOD

Antap	58	Sista	46	Mani bilong wok
1 Yangpela boi	59	Yu yet	47	Buk bilong Sir
4 Kampani bilong ol Lahir	60	Fit gut		Michael Somare
8 Pilai samting bilong pikinini			48	Bilas bilong lek
10 Intenesenel Leba	Daunbil		50	Gutpela
Ogenaisesen	1 Gan		52	Ples long Nu
11 Stadi	2 Niupela toktok			Ailan
13 Ges projek long PNG	3 Infomesen Teknoloji		54	Sutlam
14 I orait	4 Strongpela metal		56	Begin
16 Bilong wasim ol samting	5 I go insait			
18 I gat 12-pela long yia	6 Kolwara i kamap strong			
20 Ka bilong ___ i smat moa	7 Yaweh			
22 I givim lait long de	9 Arapela lain			
25 Mais	12 Ol rul			
27 Takis	14 Mani long mobail fon			
30 Telipon	15 Samting bilong ___			
33 I gat sevenpela long wan wik	17 Pikinini Sepik			
34 Hap	19 Pipia bilong timba			
35 Namba	21 Mun			
36 Lukaut	23 Ol soldia			
37 Tingting long kamapim samting	24 Nogat			
39 Kaikai wokim long susu	26 Lukautim sikmanmeri			
40 Ples san i kamap	28 ID bilong yu stap long en			
41 I no hatwok	29 Bosim miting bilong palamen			
43 Bilong rait	31 Liklik pikinini			
44 Ol kad	32 Bilong lukluk			
45 Kirap	36 Em i win			
47 Abus	37 Kumu			
49 Samting bilong ___	38 Ples san i kamap			
51 Kango em wanpela	39 Bilas bilong nek			
53 I gat eitpela han na i stap long solwara	42 I save pundaun long ol kantri long ples kol			
55 I stap long maus	43 Wei bilong wokim samting			
57 Nogat	44 Bilong stretim gut gras			
	45 Namba i kam long Kwin			

SUDOKU

2	1	7	6	4	3	9	8	5
3	4	5	9	2	8	7	1	6
6	8	9	1	5	7	3	2	4
5	2	8	7	3	6	1	4	9
1	6	3	5	9	4	8	7	2
9	7	4	2	8	1	6	5	3
4	5	1	3	7	9	2	6	8
7	3	2	8	6	5	4	9	1
8	9	6	4	1	2	5	3	7

Ansa bilong las wik Sudoku # 32

		7	6	8	5			
	5	1			2	9		7
3							5	2
1			8		4		3	
	7						8	
	3		2		6			4
2	1							5
6		5	3			7	4	
			5	4	9	6		

Ansa bilong Sudoku # 33 neks isu

K	A	P	I	T		N	I	U	S	P	E	P	A
A	R	A	I	S		S	T	U	A				I
L	A	E		T	A		U	I	R	A	N		
A	I	S	K	R	I	M		H	A				
P	E	A				A	S	E	M	B	L	I	
	E	N	S	I	N		H	I	V		I	S	
B	I	A	T	U	N		N	E	S	O	T		
A	T	M				K	U	S		N	E	M	A
T		A				M	U	S	I	K		M	A
E		M	E			A	L			N		N	
R	A	I	T	B			R	A	M	U	P		
I	S		I	A			A	S	A		F	E	S
D	R						I	U	R	M			
N	E	W	C	R	E	S	T		S	O	I	S	

Ansa bilong las wik kroswod isu # 2058

1		2		3		4		5		6		7	
				8		9				10			
11			12		13			14		15			
								18				19	
20	21			22	23	24				25		26	
27			28	29		30		31	32			33	
			34					35				36	
37	38									39			
40						41	42			43			
			44					45				46	
						47		48				49	50
51													
						55	56			57			
								59		60			



Teksim Wari, Tingting, Painim Pren, Wantok o Pas bilong yu i kam nau..
Digitel namba: 7235 6149

Dia Wantok Nius, wari bilong mi i olsem, planti hevi i kamap long hombru o stim na drak so nogat inap polisman long ilektret na provins so inap Is Sepik Provinsel Gavman i putim ol eksilari polis kam bek long wok, ol bin wokim gutpela wok. Tenkyu.

Dia Wantok Nius, nem bilong mi Linda Siau Hikar. Mi bilong Wes Kerema (Ihu) na mi marit long Simbu – Kerowagi. Mi lus kontek wantaim ol lain bilong mi long Mosbi na Kerema. Plis ringim mi long dispela namba 7208 9077 na mi ken stap wantaim yupela.
Tenkyu, Linda - 02/02/2014

Dia Wantok Niuspepa, mi wanpela man bipo wok olsem kiap o patrol opisa, i gat save long wok bilong gavman na pablik edministresen. Interes lain yu ken ringim mi long namba 7330 5164 o 7612 2898. Tenkyu, Wantok.

Dia Wantok Nius, mi laik soim bel hevi na wari bilong mi long Madang Pronvinsal Gavman wantaim Open memba bilong Raikos. Olsem wanem na ol no gat luksave long mipela. Tenkyu!

Dia Wantok Nius, Wantok Niuspepa i olsem gutpela sevis long yumi ol lain i no save long tok Inglis. Em tasol na husat i laik sapot yu welkam.

Albert Ake, WHP - 17/01/2014

Dia Wantok Niuspepa, mipela papa mama bilong Begesin long Madang provins i no amamas long wanem Brahman sekenderi skul i no save kisim stret ol pikinini bilong Usino Bundi na Gama i go long Braaman. Em i save kisim ol Katolik pikinini bilong arapela distrik tu i save i go skul long Brahman sekenderi. Dispela pasin ol i stret, mipela i askim gavman long kirapim wanpela haiskul long Begesin na dispela i ken helpim olgeta pikinini bilong Usino Bundi na Gama stret. Mipela i askim Upper Ramu distrik DA wantaim edministresen tim bilong em long lukluk long dispela wari bilong mipela. Tenkyu!

Ezekiel Tai Ono, Begesin – 05/02/2014

Dia Wantok Nius, mi laik soim bel hevi na wari bilong mi long Madang Pronvinsal Gavman wantaim Open memba bilong Raikos. Olsem wanem na ol no gat luksave long mipela. Tenkyu!

Dia Wantok Nius, mi salim bel hevi bilong mi go long ol memba olsem gavana Powes Parkop tok long buai ban long NCD long TV. Mi lukim ol memba na ol man wan wok long kaikai na toktok long TV ya ol waitman tu was long Tv na lukim kantri stap. Man mi lukim long TV ol memba ol i laik toktok long ol pipel maus bilong ol i ret tru. Powes i no stopim ol. Yupela giaman long palamen i stap. Em tasol, tenkyu!

Mulange Samu – 11/02/2014

Raun wantaim Kanage olgeta wik

No ken pusim ol man nating nating

Kanage em bilong Tambul, long Westen Hailans. Wanpela bikpela san long ples na ol liklik wara bilong waswas i drai pinis. Wanpela wara save ran arere long gaden bilong Kanage tasol i stap. Wanpela raun wara i bin stap long dispela riva we tupela bikpela ston i pasim rot bilong ol lain bai lukim. Kanage i raun stap long maket na taim san i hot nogut tru olsem long 12 klok, em i go raun long gaden bilong em. Taim Kanage i go klostu long gaden bilong em, em i harim nek bilong sampela meri arere long wara. Kanage i tuhat wantaim wokabout isi isi go na laik lukim husat stret stap long wara. Em i traim long spai tasol wara i stap daunbilo tumas na hat long em i lukim ol. Em i go klostu na harim ya, man, ol nek bilong ol yangpela gels mekim Kanage i hat tru long sindaun. Ol lip diwai na gras nabaut pasim ples na Kanage i painim hat stret long lukim. Em slip long graun na lukluk go ya em lukim wanpela diwai gro na lindaun go long wara. Kanage isi tasol go antap long diwai, em go long namel stret na em lukim ol yangpela meri i rausim siot na waswas stap. Tasol em i no lukim ol gut. Na em i go antap olgeta. Bihain em i slip long hap bilong diwai na muv i go. Em go klostu long wara we ol meri waswas stap na, em laik sanap gut na lukim ol. Ai bilong em i pas long lukim ol meri na em putim han tasol go antap na holim han bilong diwai. Em i no save olsem dispela han bilong diwai i drai na klostu laik pundaun. Kanage i pinisim olgeta strong bilong em na pulim nek go longpela olsem pato, long lukim ol meri. Tarangu, han bilong diwai ya i bruk na Kanage holim dispela hap drai diwai wan-



taim go paundaun namel long ol meri. Kanage i sem pipia nogut tru na paul long tok-tok. Ol meri lukim em na tok, "Oooii Kanage, ol meri waswas na Kanage, yu no gat sem bilong yu". Kanage no gat toktok bilong em na lukluk go antap long rot we em kam daun na tok 'Yupela laik pait, pait stret, no ken pusim ol man nating nating'. Em tok olsem na ran go antap we em bin kam daun long en. Ol meri ting olsem Kanage i pait wantaim sampela man na ol i pusim em kam daun. Tasol samting tru em Kanage laik spai long ol meri.

Gima Noya Ralita

'Luk' long bas

KANAGE i raun long Kimbe taun i go na mani pinis long pasin bilong salim wasa longlong nabaut. Apinun nau, na Kanage kalap long las bas stret "WANBEL NAPE" na em i ran i go olsem long Buvussi. Bas i lusim Mai rotbruk i go antap nau, boskru i kolektim bas fe long ol pasindia. Boskru kisim bas fe long ol pasindia i go na kamap long Kanage nau, Em skrapim het bilong em tasol na tok isi long boskru "Mi Luk". Boskru i no harim gut na em i askim Kanage, "Yu toktok strong na mi harim". Kanage i no westim em i kirap tokim boskru stret, "Planti taim mi save baim bas bilong yu. Sori nau yu Wanbel Nape long mi na mi "Lukim Bus" boskru em paul olgeta. Em i laik lap o em i laik hatim Kan-

age. Em kirap tokim Kanage, "Ol man i save luk long pilai kas tasol. Nau yu stat long lainim ol man long luk, long bas bai no long taim ol man i stat long luk long ol sip na balus wantaim". Ol pasindia i harim olsem na olgeta i lap.

Brenden Kilo Kimbe

Dokta Kanage (Monipes pikinini)

Mi gat wanpela ankol tasol na nem bilong em Kanage. Ankol Kanage i bin pinisim Dokta Digree bilong em long Univesiti bilong PNG. Bihain long graduesen em ibin kam wok long Hagen Haussik we ol mama save karim pikinini. Wanpela taim, wanpela mama i pilim pen nogut tru na i kam long haussik long karim pikinini. Taim mama i kam ankol Kanage i kwiktam kam insait long rum na hariapim ol narapela dokta long stretim olgeta samting. Ankol Kanage i tokim mama olsem, mama pus, na tarangu mama i pilim pen wantaim na singaut na taitim long pus. Ankol Kanage i singaut na tok "Mama pus, Mama pus" tasol pikinini i no kam aut. Ol i traim i go inap long sikispela aua i go pinis. Ankol Kanage i tuhat nogut tru na go bak long sit na sindaun i stap i go na wanpela tingting i kisim em na em kam bek. Em i go long fran bilong mama na sekim ol koin moni i stap long poket na hariap tru pikinini i kam autsait. Ankol Kanage i lukluk strong long pikinini i stap na kirap na tok "Ha! Kain bilong yupela ol lates moni pes pikinini nabaut ya! Harim koin pairap long poket na kam autsait hariap tru ya, Hai!!"

Randy Arnold Mt Hagen

Ol skwat! Teksim ol gutpela Kanage tok pilai i kam long: Txt: 72356149

Mi raun wantaim wanpela marit man na mi laikim helpim long wari mi gat long dispela

Dia Laiplain,

Mi painimaut olsem man mi raun wantaim i gat meri. Na mi no bilip long lav bilong ol man husat i marit pinis.

Tasol mi gat bikpela laik long em na mi laikim bai mitupela i serim laip wantaim. Yu ting olsem wanem? Em orait long mi raun wantaim man ya o mi tokim em long lusim mi.

Confused

Dia Pren,

Yu gat bikpela laik pasin long wanpela man husat i marit pinis long meri i husat i gat wankain laik olsem yu.

Mipela i luksave long ol manmeri husat i save painim isi long gat laik pasin long narapela na long ol manmeri i save painim hat tru long lusim ol.

Mipela i laikim olsem yu mas lukluk long



dispela na skelim gut pastaim. Nogut yu gat bel we yu no laikim pikinini long en sapos em i tru olsem dispela man em i stap pas wantaim meri na famili bilong em.

Yu mas save olsem sapos yu gat wanpela pikinini i no gat papa, bai yu bungim bikpela hevi sapos yu no gat gutpela wok na haus long lukautim pikinini bilong yu.

I gat planti man husat i gat wankain kris-mas olsem yu we yu ken poromanim na bihain taim, i ken maritim yu na karim ol pikinini olsem blessing God papa i givim.

Em bai gutpela sapos yu na pren bilong

yu wantaim meri bilong em i mas lus tingting long dispela pren pasin na yu helpim dispela man long stap gut wantaim meri bilong em na lukautim em.

Serim dispela wantaim wanpela famili man o meri husat yu ting olsem yu ken trastim o askim pasto long givim yu ol gutpela stiatok na tu, pre long yu.

Tenkyu tru, Mi Laiplain

Sapos yu gat wari, rait i kam long Life-line, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laiplain

Lukaut long konman na giaman mani: PM

Stanley Nondol i raitim

BIKPELA toklukaut i go long ol pipel bilong Papua Niugini long lukaut long ol giaman lain i kam raun askim long kisim mani na tok promis long baim bikpela winmani.

Praim Minista Peter O'Neill i tok planti konman i wok long raun giaman ol manmeri na kisim bikpela mani na promis long bekim wantaim bikpela profit tasol bihain ol i go hait nai no bekim mani.

Praim Minista i tokim palamen long dispela wik na planti taim i givim toklukaut pinis olsem planti giaman lain i wok long raun na yusim nem bilong ol mani kampani we Sentral Benk i no gat luksave long en na i kisim planti mani long pipel wantaim kon tokotk bilong ol.

Wankain taim, wanpela kibung long Australia Nesenel Yunivesiti long dispela wik i tokaut olsem PNG i lusim moa long K500 milien long ol giaman mani kampani na konman.

Wanpela dokta digri pepa bilong John Cox husat i mekim rises na raitim pepa long Fast Mani Skim Moral bilong Midel klas PNG i tokaut olsem planti ol lain long sios, wokman meri na ol grup i lusim bikpela mani long ol giaman lain husat i mekim tok promis long baim bikpela profit long sotpela taim.

Dispela pepa i tok U-Vistrak Fainens Sistem i bin paulim planti pipel long PNG na kisim bikpela

mani na i ranwe.

Ripot i tok planti ol Kristen lotu lain bilong Pentakostal sios i pun- daun long dispela giaman mani skim wantaim giaman tok promis.

John Fox i statim rises wok bi- long em wantaim SSGM long No- vember 2013. PhD o Dokta digri pepa bilong em long stadi bilong em long Fas Mani Skim i pinis long Melbon Yunivesiti na em i kisim Awod olsem nambawan tises long Ph D stadi.

Long narapela stori bilong giaman mani, wanpela man bilong Amerika, Barry Keit Webb i kisim moa long K1.6 milien giaman mani bilong Bogenvil i kam long kantri na gavman i sasim em nau long dispela pasin.

Polis na ol Kastom opisa i sasim em long kisim giaman mani i kam insait long kantri we i no gat luksave bilong Sentral benk. Dispela pasin i brukim lo bilong kantri.

Praim Minista O'Neill i tok Mista Webb bai kisim mekim save bilong lo na bai sanap long ai bilong kot aninit long lo bilong kantri.

Mista Webb i kisim K1.6 milien pepa mani i gat nem Bogenvil kina long en. Praim Minista i tok dispela i asua na i no gat luksave bilong PNG lo olsem Bogenvil kina em i mani tru.

Mista Webb i tok em i kam long kantri long kamap wokman olsem Sif Fainens Edvaisa bilong Bogenvil na em i soim PNG Kastom Opis na ol polis ol pas bilong sampela lida bilong Bogenvil.

ANZ opim Esia Bisnis Senta long Fiji

ANZ benk i tokaut olsem em i opim ANZ Asia Bisnis Senta long Fiji. Dispela program bai i namba wan long Fiji na Pasifik.

Dispela senta bai givim gutpela sevis bilong bisnis i go long ol kas- tama bilong ANZ long Fiji.

"Kastoma bai kisim gutpela sapot bilong ol gutpela eksperiens bilong benking long Esia Benking Rilesen- sip." ANZ CEO bilong Fiji na Pasifik Vishnu Mohan i tok.

Mista Mohan i tok ANZ em i strongpela benk long rijon na i gat bikpela koneksen long 33 maket long wol, 12-pela long Pasifik na 15 long Esia. Benk i luksave long givim gutpela sevis long ol kastoma long wol wantaim ol kastoma long Esia.

Mista Mohan i tok long dispela Esian Bisnis Senta, ANZ bai sapo- tim intra- rijonal bisnis long eria bi- long tred, invesmen na pipel long helpim Fiji na Pasifik long gro.

Mista Mohan i tok benk bai givim bikpela sapot long joinim ol bisnis in- sait long Pasifik Rijon long eria bi- long Kes, Tred, Maket na rilensip long lending prodak long sekta bi- long turism, manufektering na infra- straksa.

Las yia ANZ benk bin namba wan benk long Pasifik long givim kopret



Hetman bilong ANZ Pasifik Saud Minam i tokotk long sait bilong ANZ Pasifi Senta long ol woklain long Fiji.

na komesel kastoma long Fiji, Papua Niugini na Vanuatu long givim strong long mekim bisnis wan- taim Saina.

Taim bilong opim dispela ANZ Esai Bisnis senta tu bai makim Luna Nu Yia selebresen wantaim kas-

toma long Fiji.

ANZ bin statim wok bisnis long Fiji long 1880 na em i bikpela benk long hap wantaim 16 brens na 75 ATM. na i gat moa long 600 wok manmeri.

ANZ Pasifik hetkwata i stap long Fiji.



SAN PLAWA BILONG GOROKA: Planti ol mama i luksave olsem i gat bikpela bisnis long sait bilong ol plawa. Monalisa Mou husat i gat 15 krismas na mama bilong em, Helen, i save laikim tumas ol plawa. Olsem na tupela i save planim ol kainkain plawa, i no long salim na wok bisnis, nogat! Long bilasim na kamapim ol naispela kala insait na ausait long banis na haus bilong tupela. Long Poto, Monalisa i aigris long wanpela san plawa em yet i bin planim arere long haus bilong em long Goroka setelmen, Isten Hailans. **Poto: Sape Metta**

“YU KEN KISIM SAVE LONG PUTIM O YUSIM MANI GUT”

MIPELA I KEN HELPIM YU LONG:

- Save gut long wanem samting tru em “Se Maket”.
- Save long stretpela rot bilong putim mani bilong yu i go insait long ol Se long maket.
- Putim o yusim mani bilong yu gut wantaim ol kampani insait long Papua Niugini, na tu long ovasis.
- Save moa long hau gavman bai lukautim yu taim yu putim o yusim mani long maket.
- Na planti arapela samting tu

Nau em sans bilong yu!!
 POMSoX wantaim ol wokmanmeri bilong en, BSP Kapital na Kina Sekyuritis, na Benk bilong Papua Niugini bai go pas long dispela Invesmen Edukesen Semina.

Noken mis aut long dispela semina sapos yu laik save moa long yusim na putim mani bilong yu. Hariap na givim nem bilong yu nau!!

DEIT	VENIU	TAIM
Namba 6, Fonde, Mas, 2014	Gateway Hotel (Pot Mosbi)	9.00am – 12.00pm
Namba 10, Mande, Mas, 2014	Lae International Hotel (Morobe)	9.00am – 12.00pm
Namba 12, Trinde, Mas, 2014	Madang Resort (Madang)	9.00am – 12.00pm
Namba 14, Fraide, Mas, 2014	Sepik Centre of Hope (Wewak)	9.00am – 12.00pm

Long kam kamap long dispela semina, fi em K150.00 tasol. Sapos yu salim mani kam insait long akaun bilong mipela, yu mas tok save long mipela. Sapos yu painim hat long fex o email, yu ken ringim mipela tasol.

Akaun Nem: Port Moresby Stock Exchange
Akaun Namba: 1000068396
Benk: Bank South Pacific
Brens: 8-950 Douglas Street, Port Moresby

Long kisim moa tok save yu ken kontektim mipela long:

Tel: 320 1980
Fax: 320 1981
Email: pomsox@pomsox.com.pg

JICA sapotim PNG Pawa

Stanley Nondol i raitim

HEVI bilong pawa long kantri olsem blekaut, pawa saplai i sot na ol masin i bagarap i bikpela tumas na i na i givim hevi long ol bisnis haus, ol liklik manmeri na gavman. Na dispela hevi i kisim luksave bilong ol nesenel komyuniti tu.

Gavman bilong Japan i tokaut long sapot bilong em long helpim PNG Pawa i daunim sampela bilong ol dispela hevi. Na gavman bilong PNG bai wok bung long kamapim bikpela senis long helpim pawa saplai.

Japanese International Cooperation Agency (JICA) na Dipatmen bilong Petroleum na Eneji na Dipatmen bilong Nesenel Plening i makim PNG gavman na sainim masta plen bilong Lae Pawa Developmen las wik long helpim bikpela hevi bilong pawa long Lae na Morobe provins.

Sif Eksekutiv Opisa bilong PNG Pawa John Tangit i tok tenkyu long JICA long luk-

save na tok orait long wok wantaim Dipatmen bilong Nesenel Plening, Dipatmen bilong Petroleum na PPL long stretim ol dispela samting.

Wok bisnis long kantri olsem maining, ges na ol arapela bisnis i gro na GDP bilong PNG i stap namel long 6 pesen na 9 pesen na i bikpela long Saut East Asia.

Wantaim egrikalsa na maining sekta, i gat bikpela dimand bilong pawa i wok long go antap moa long olgeta yia.

JICA i bai wok bung long helpim PNG gavman long putim ol nupela masin long kisim ples bilong ol olpela masin long Ramu Pawa Stesen na Yonki.

Ramu na Yonki i gat ol olpela masin na sampela taim i no save wok gut na i save kamapim blekaut klostu klostu na ol bisnis haus i save kisim taim na kamapim bikpela komplek long gavman long lukluk long ol hevi bilong PNG Pawa.

Ramu i gat namba tu bikpela pawa sistem long kantri na save givim pawa saplai long Lae na Madang.



Sif Eksekutiv Opisa bilong PNG Pawa, John Tangit, Sekretari bilong DNPM, makim maus bilong DPE JICA i sainim PPL masta plen bilong Lae long las wik long Mosbi long wok bung na sapotim wok bilong pawa long Lae, Morobe Provins.

Long dispela masta plen, bai PNG Pawa i apim saplai 74.3 MW long 2012 i go long 104.8MW long 2026. Na pawa saplai long Lae bai go antap long 66.8MW. Nau i

stap long mak bilong 37.9MW tasol.

JICA i kamapim sevei long ekspensen program bilong Ramu na Japan gavman din- aui em ol i bin sainim long

mun Ogas 2013 na kirapim wok long trensmisin lain i go long Lae siti na ol eria klostu.

Mausman bilong JICA long PNG, Shigeru Sugiyama i tok gavman bi-

long Japan i amamasa long wok bung wantaim PNG gavman long mekim ol wok developmen na pawa em i wanpela eksampel bilong dispela wokbung.

Wantok

Niuspepa Bilong Yumi Ol PNG Stret!

Circulation & Distribution Supervisor

WantokNiuspepa is the only Tokpisin Newspaper in the country operating since 1970s. It is distributed through street and retail agents, subscribers and free copies to churches and schools. With enhancements to business, we now have an opportunity for a Circulation & Distribution Supervisor in Port Moresby reporting to the Circulation & Distribution Executive.

The key responsibilities of the position are to ensure;

- The production of the Wantok products is in line with management decision with minimal down time and wastages to control efficiency and profitability
- On time and in full deliveries to the outer regions through airfreight and local deliveries in NCD including churches and schools
- Wantok is represented well in the market place with appropriate merchandising to support brand image and increased sales
- The merchandising and delivery listing is updated at all times for material planning and effective delivery.
- The sales reconciliations are done on timely basis as required with key circulation and distribution agents.
- Good working relationship exists with all the distribution channels.
- New markets are established to extend the circulation network

Selection Criteria.

- Certificate or Diploma in Business studies with relevant work experience
- Experience in supply and distribution process
- Computer skills in Word & Excel are desirable.
- Must be able to support team work
- Have a current drivers licence

Send your applications to:

The Recruitment Team,
Word Publishing Company,
PO Box 1982, BOROKO, NCD
or email admin@wantok.com.pg

Nestle i putim K21.6m invesmen long PNG

NESTLE PNG i opim namba wan hap bilong K21.6 milien long skruim moa wok long fektori bilong en long kantri. Dispela projek bai givim wok long 75 PNG man nameri.

Dispela projek bai lukim kampani i mekim nupela stet-ov -art- prodaksen ikwipmen long faktori long Lae long apim prodaksen bilong Maggi Noodles na Maggi bouillon long bungim nid bilong ol kastoma long kantri.

Eksekutiv vais presiden, Nestle S.A, Nandu Nandkishore husat i go lukluk raun nau long Lae long dispela projek i tok kampani i gat bikpela bilip long kantri na mekim bikpela invesmen.

"Nestle i bin mekim wok bisnis long kantri long moa long 30 yia na kampani bai go het long mekim bikpela invesmen long ol prodak bilong Nestle." Mista Nandkishore i tok.

Mista Nandkishore em i dairekta bilong kampani long Osenia, Afrika, Esia na Midel Is.

"Mipela tu i sapotim ikonomi bi-

long kantri long baim planti ol samting long kantri na sapotim egrikalsa program, sapotim na trenim ol lokal fama long eria bilong groim kopi aninit long Nescafe plen bilong kampani." Mista Nandkishore i tok.

Nestle Pasifik Ailan Kantri Menesa, Eugene David i tok, "Nestle PNG i mekim planti prodak long kantri pinis na ol prodak kampani i mekim stret long laik bilong pipel na dispela invesmen bai givim moa long kantri. Dispela ol ikwipmen bilong apim prodaksen i kam long Yurop bai apim prodaksen long 30 pesen."

Kampani i mekim wok long faktori long Lae long 14 yia i go pinis.

Nestle PNG i save kisim ol noodles i kam long kantri long 1970 samting. Em i sanapim faktori long Lae long 1987 na bai i gat moa long 380 wokman meri long pinis bilong 2014.

Kampani i save wokim Maggi 2 minit Noodles na Maggi Bouillon. Em i save pekim Milo, Sunshine Milk Pawda na Kopi mate long lokal maket.



Eksekutiv vais presiden Nestle SA, Nandu Nandkishore i bungim ol woklain long Nestle faktori long Lae.

PNG LNG redi long salim namba wan ges long 2014

Stanley Nondol i raitim

gat bikipela bilip long wok bilong projek bai pinis long taim stret .

Em i tok 90 pesen bilong wok konstraksen i pinis long ol projek eria na olgeta wok redi i kamap gut na bai pinis long taim gavman na divelopa I makim.

Mista Duman i tok dispela em i bikipela wok tru kamapni i mekim na tok dispela em gutpela nius bilong kantri long wok bisnis.

Mista Duma i tok 3.2 kilomita Komo ples balus long Hela provins em narapela bikipela wok tru i bin pinis long taim. Bikipela kago balus bilong kantri Russia , Antrony i pundaun pinis long Komo

wantaim lod ol bikipela masin na samting bilong wok .Em i tok planti ol bisnis haus i kisim gutpela servis long taim bilong konstruksen bilong PNG LNG projek.

LNG i tok klsotu long K10 bilien bilong kontruksen i go long kamapni bilong ol apapagraun.

PNG LNG projek i tok planti bilong ol papagraun kamapani i kisim wok konstruksen na kamapni bilong ol i gro long bisnis na ol i ken go het na mekim moa wok bisnis.

LNG em wanpela bikipela projek we ol pipel i tokotk palnti long bikipela mani bai kam insait long kantri.

O'Neill gavman tu lukluk long dispela projek long pulim bikipela winmani i kam longbekim bikipela dina bilong kantri na tu apim baset bilong kantri i go antap wantaim winmani.

O'Neill gavman i tokaut olsem em i mekim dinau baset na tu i gat planti dinau na gavman i lukluk long stretim ol dinqau taim kantri i salim nama wan ges go aut stat long namel bilong 2014.

Wankain taim Minista Duma I tok kantri gat palnti Oil na Ges na gavman I tokotk yet wantaim ol divelopa long statim namab tri LNG projek bihain long INterOil Galp Elk-Entelop porjek.

Egrikalsa i ken kisim ples bilong buai: Marape

Stanley Nondol i raitim

MINISTA bilong Fainens, James Marape i tok egrikalsa i ken kamap bikipela fud krop bisnis long ol pipel bilong Sentrel na i ken kisim ples bilong buia bikos moa long K700 milien i raun olsem kes flo long sait bilong fuk krop saplai long Pot Mosbi.

Minista Marape i mekim dispela toktok long palamen las wik taim ol memba bilong Sentrel na Gulf na ol sampepela memba bilong narapela provins i hatim NCD gavana, Powes Pakop long stopim buai long siti na mekim laip bilong ol pipel bilong Sentrel na Galp i go hat.

Mista Marape i tok bikipela kes flo i save raun long fud krop long Mosbi na ol pipel bilong Sentrel i ken wok long bikipela graun bilong ol na planim ol gaden kaikai na ken salim long ol maket long Mosbi siti na i ken mekim planti mani.

Mista Marape i tok gaden kaikai i ken kisim ples bilong buai.

Gavana bilogn Sentrel, Kila Haoda, memba bilong Abau, Sir Puka Temu na memba bilong Kikori Marak Maipakai i hatim Mista Pakop long i no bungim ol lidas bilong tupela provins na tokotk taim em i kamap ol bilong Buai long siti.

Mista Haoda i putim wanpela petisen long palamen na singaut long nesanel gavman long yusim pawa na rausim buai ban.

Mista Haoda i tok Mista Pakop i no bin konsultim em na ol arapela memba bilong Sentral bikos ol pipel i kiskm bikipel hevi taim Mista pakop i passim buai long kam long siti.

Memba bilong Abau Sir Puka i tok, ikomomik laip bilong ol pipel i namaba wan na NCD gavana i no lukluk long dispela na i go het na mekim lo na stopim buai.

Mista Maipakai i tok ol pipel bilong Gulp na Sentral i no kaikai buai na septim ol buai spet na bagarapim siti. Ol pipel bilong narapela provins i bagarapim siti tasol buai ban long Mosbi i bagarapim laip bilong ol papagraun bilong siti.

Memba bilong Goroka Bire Kimisopa i tok kos bilong livin na laip i hat long dispela taim na NCDC i no tingim dispela taim em i kamapim lo bilong stopim buai.

Mista Kimisopa i tok olgeta taim gavman i mekim lo na polisi i mas tingim ol pipel. Em i tok planti hevi olsem lo na oda na mekim gaden long siti i stap na na NCDC i mas lukluk long stretim dispela.

Mista Kimisopa i tok ol pipel bilong Sentrel i givim graun long ol pipel bilong narapela long romim bisnis na ol i stap autsait na kam salim ol samting long gaden na mekim mani long lukautim ol yet.

Mista Kimisopa i tok sori bilong NCDC long ol dispela lain i stap logn wanem hap.



LNG projek sait



PINAT I NO SOT LONG BODA HAUSLAIN: Sapos em i ken planim san plawa na ol arapela kainkain naispela plawa, em i ken planim tu ol arapela kainkain gaden kaikai. Monalisa Mou i sanap na kisim poto wantaim ol pinat em yet i bin planim na havestim long gaden bilong em long Boda hauslain, Ifiyufa long Isten Hailans. *Poto: Sape Metta*



PUTIM WAS: Lukaut SAS Security Gad I putim was long bisnishaus long Kokopo. *Poto: Michael Novingu*



Launsing bilong nupela kakao klon bai kamap long Basamuk

BIKPELA launsing seremoni long soim ol nupela kakao klon neseri na wok-bung namel long Ramu NiCo wantaim Kakao Kokonas Ejensi (PNGCCIL) insait long pablik-praivet patnasip (PPP) bai kamap neks mun long Basamuk.

Ol wok redi bai kamap sampela taim long neks wik i go antap long dispela seremoni i kamap, tasol ol i no tokaut yet long wanem taim stret. Tasol dispela em wanpela strongpela wok-bung pasin i kamap we bikipela nikel/kobalt developa insait long PNG, Ramu NiCo Menesmen (MCC) i sanap strong long mekim long strongim wok bilong agrikalsa developmen wantaim ol pipel insait long Projek Impeks eria bilong em long Madang provins.

Long Fraide, ol saveman bilong PNGCCIL olsem Provinsal Progem Menesa bilong CCIL, Vincent Saleh wantaim ol Komyuniti Afes Fil opisa bilong Ramu NiCo bai mekim lukluk raun i go long Basamuk long ol kakao neseri long ol viles we wok i kamap long sekim gut na redim wok bilong launsing i kamap.

Ol kakao famas long Basamuk long Raikos distrik long Madang provins em ol namba wan lain stret long Madang provins na kantri long kisim 10-pela kain nupela kakao sidlings em Kakao Kokonas Institiut PNG Ltd (PNGCCIL) i kamapim.

Ol famas i kisim ol dispela nupela kain kakao sidlings aninit long join pablik-praivet patnasip wok namel long CCI na Ramu NiCo.

Moa long 6,500 rutstok kakao klon bading i bin kamap yusim ol dispela nupela kakao pod bora resiten (CPB) klon budstik. Dispela bai halivim tru ol lain famas na papagraun klostu long Basamuk Rifaineri long Raikos distrik.

Ol dispela nupela kuru kakao ol i kamapim em K-4, K-6, K-9, 21:4/8, 17:2/16 na ol liklik olsem 16:4/2, 15:4/7, 37:13 3/2. Dispela em namba tu taim long PNGCCIL i kamaut wantaim ol nupela resistent kakao varaiti bihain long ol haibrid kakao long 1999 we i kam wantaim ol bikipela klon olsem 16: 2/3, 36:3/1, 37: 13/1, 73: 3/1 na ol liklik klon em 17: 3/1, 34:13/1 na 73:14/1.

Ol viles em Tugiak, Kulilau, Mingming, Dubal na ol arapela klostu long Ramu NiCo Basamuk Rifaineri bai namba wan lain long kisim na traime ol dispela klon we nogat sik nogut bilong kakao CPB i ken bagarapim ol. Dispela ol stok i ken go planti long taim bilong rihabilitesen. Ol dispela CPB resiten kakao i stap nau long PNGCCIL na ol famas i ken go kisim.

Distrik Liason na Fasiliti Opisa wantaim PNGCCIL husat i lukautim Sumkar distrik, Kanos Sulu i tok Raikos i laki stret long kisim ol dispela CPB resiten kakao we i ken abrusim sik nogut CPB, na tu kamapim wok kakao i go bikipela sapos fama i wok hat na givim moa taim long kakao gaden bilong em.

"Dispela nupela haibrid kakao i ken kamapim 2.5 i go 3 tan kakao long wan wan hekta bihain long 18-pela mun tasol na dispela em gutpela stret." Mista Sulu i tok.

Ramu NiCo fil ekstensen opisa, Daniel Aputa i tok bikipela as-tingting bilong Ramu NiCo na CCILPNGL em long kamapim ol kakao we i ken pait egensim sik CBP na tu kamapim moa kakao long ol diwai na givim gutpela mani long ol famas long ples.

Bikipela samting insait long wok bung namel long Ramu NiCo wantaim PNGCCIL em long helpim ol famas long ples long holim strong graun na wok agrikalsa maski olsem bikipela mineral developmen i kam long eria bilong ol. Dispela em bikos agrikalsa em bun na strong bilong yumi ol pipel blong PNG na dispela i mas stap strong long bihain taim mineral olsem nikel na kobalt i pinis long graun.

Agrikalsa em bun stret na Ramu NiCo i sanap strong long promotim agrikalsa long ol pipel insait long Projek impekt eria bilong em long Madang provins.



1. Naispela karim bilong kakao diwai.
2. Ramu NiCo fil opisa Daniel Aputa soim bading.
3. Ol saveman bilong CCIL husat i go wokim bading long Basamuk.
4. Famas bai gat gutpela gaden kakao.

RAMU NICO

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim kliia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'

Dion helpim ol maket lain

Michael Novingu i raitim

OL manmeri i save salim kaikai na pis long Kokopo maket i ken pulim gut win nau bikos ol baim hap tasol bilong maket fi.

Las wik namba tu praim minista na rijonal memba bilong Is Nu Briten, Leo Dion i givim K300,000 i go long Is Nu Briten Maket Atoriti (ENBMA). Dispela mani i bilong helpim tupela bikpela maket insait long provins na tu, long baim hap maket fi em ol lain i salim kaikai i save baim i go long ENBMA.

Ol manmeri i go salim kaikai long maket i save baim K2 maket fi, tasol nau bai ol i baim K1 long Kokopo na Rabaul maket.

Man i lukautim opis bilong Mista Dion long Kokopo, Albert Buanga, i givim dispela K300, 000 i go ENBMA las wik.

Namba tu provinsal administreta na tu, namba tu siaman bilong

ENBMA, Edward Lamur i tok Kokopo na Rabaul maket i wanpela hap we Is Nu Briten provins i save promotim ol gaden kaikai ol pipel yet i save groim.

Dispela i save helpim apim ikonometri wok bisnis bilong provins.

Em i tok ENB bai lukim planti pilai olsem Kwinslen Intrast Kap na ol arapela bikpela bung bai kamap long provins long 2014.

Em i tok long dispela as, ol i laik helpim ol mama i kam salim ol kaikai,olsem ol taro na ol arapela moa na ol gutpela prut na kumu long ol lain i kam lukluk raun long provins.

Mista Lamur i tok gavman i tok Is Nu Briten Provins em i provins bilong ol turis i kam raun lukluk na ol i laik kamapim ol gutpela kaikai long ol turis i raun na baim.

Em i tok i no ol turis bilong arapela kantri tasol bai i kam, nogat.

Ol lokal turis tu bai kam na yumi mas lukautim ol.

Makaki Poin maket i stap yet

Veronica Hatutasi i raitim

MAKAKI Poin pis maket long Toniva, ausait long Kieta Taun i go olsem long Aropa ples balus long Sentrel Bogenvil i bin lukim ol gutpela taim pastaim long ol hevi i kamap long Bogenvil.

Dispela naispela pis maket i bin save pulim ol kastoma i kam olgeta long Panguna, Loloho, Arawa, Kieta, Toniva yet na ol ples i stap arere long taun.

Ol mama na lain bilong Pokpok Ailan i save salim ol pis, trausel, tauka, ol sel na ol arapela abus bilong solwara long dispela maket i stap long wanpela poin ol i kolim long Makaki, em maus rot bilong Toniva Taun. Tasol nau, bai yu no inap lukim wanpela taun bikos olgeta

haus samting i paia o ol paitman i bagarapim long taim bilong Bogenvil pait. Nau bikpela bus na ol bikpela diwai i sanap.

Long gutpela taim, Sarere moning bai pulap long ol lain i laik baim ol pis samting.

Tripela wik i go pinis, dispela ripota i bin raun i go long Bogenvil bihainim wokabaut bilong praim minista na lukim sampela lain Pokpok i maket i stap na em i stop long stori liklik wantaim ol na kisim poto.

Maket i stap nau yet na ol mama i save salim ol pis na gaden kaikai, kumu na prut samting.

Dispela ripota wantaim ol arapela wanwok i bin kamap long Makaki Poin maket long apinun taim olgeta maket samting i pinis, na ol mama i go pinis long ailan bilong ol long hapsait.



MAKAKI POIN PIS MAKET: Ol mangi Pokpok i maket pinis long Makaki Poin na i laik go bek long ailan bilong ol long apinun. **Poto: Veronica Hatutasi**



PLES BILONG PIS: Pokpok Ailan i slip i stap yet olsem poto i soim. Planti lain i bin stap long Bogenvil pastaim long pait bai tingim dispela naispela ailan i stap long hapsait bilong Toniva na Kieta we pis i rot pipel i save kisim mani long en. **Poto: Veronica Hatutasi.**



Maketing Bos bilong BSP, Julie Frazer i prisnim K35,000 sekmani i go long Jenerel Menesa bilong PMNP, Michelle McGeorge. **Poto BSP midia.**

BSP i helpim gen PMNP

PORT Moresby Nature Park (PMNP) i ken mekim ples i kamap gut moa long ol pipel i lukim na amamas. Na Benk Saut Pasifik (BSP) i wok long sapatim ol long mekim dispela wok.

Long dispela wik, bosmeri bilong Maketing wantaim BSP, Julie Frazer, i tokaut olsem benk bai sapatim PMNP olsem Silva sponsa long 2014.

Mis Frazer i tok BSP i sponsa long wok bilong GNP olsem hap bilong Go Green program bilong benk long promotim ol edukesen awenes na wok i mas go het

long lukautim gut ol diwai na ol animel we PNG tasol i gat long en.

Long sampela yia nau, BSP i wok bung wantaim PMNP long selebretim Wol Enviromen De long olgeta yia long mun Jun, na wok bai go het long dispela yia gen. Ol wok plen i stap long skruim wok wantaim long Jun 7.

Pot Mosbi bai lukautim bikpela Pasifik Gems pilai long neks yia Julai, na dispela i wanpela gutpela rot long kisim ol visita i go long PMNP na lukim ol gutpela diwai na animel long namba wan turis

ples insait long siti.

Jenerel Menesa bilong PMNP, Michelle McGeorge i bin makim ogenaisesen bilong em na kisim sponsasip bilong BSP.

Em i tok, "PMNP i gat plen long mekim ol bikpela wok developmen pastaim long 2015 Pasifik GEMS i kamap. Sampela long ol wok bai kamap long PMNP em long apgredim o stretim ol rot insait long pak, wokim nupela pilai ples ol pikinini i kam wantaim ol papamama bilong ol i ken pilai long en. Nara-pela em ol bai wokim tripela nupela eria bilong

ol pisin long stap long en."

Em i tok ol pisin bai pulim planti pipel i go lukim ol long taim bilong Pasifik GEMS na ol arapela visita tu.

Em i tok ol bai soim ol naispela kain kain kumul na tu, program long ol dispela pisin i karim ol nupela pisin na kamap planti.

Em i tok dispela sapatim bilong BSP bai mekim ol plen bilong ol i karim kaikai.

I no longpela taim i go pinis, PMNP i bin opim nupela ples bilong kaikai na dring kopi, na baim ol suvinia na plawa.

Dulux i sapatim RSPCA

DULUX GROUP Limitet i sapatim wok bilong Royal Society for the Prevention of Cruelty to Animals long PNG (RSPCA) long lukautim ol animel.

Kampani i sapatim RSPCA insait long las 4-pela yia wantaim peint na mani long mekim ol mentenens wok long opis bilong

RSPCA long Waigani Draiv. Nesanel Seils Menesa bilong Dulux long PNG, Doug Bell, i tok ol i sapatim wok bilog RSPCA bikos em i bilong gutpela samting.

"Insait long NCD, bikpela hevi i stap long planti dok i no gat papa na ol i raun nabaut. RSPCA i

helpim long traim kontrolim dispela," Mista Bell i tok.

RSPCA i luksave na tok tenkyu long ol donesen na kontribusen i kam long ol dona, ol sapota na ol memba.

Ogenaisan i amamas tu long sapatim bilong bisnis komyuniti insait long kantri.



AMAMAS LONG SAPOTIM RSPCA: Ol lain bilong Pot Mosbi brens bilong Dulux i gat bikpela sapatim long wok bilong lukautim ol animel. Nesanel Sels menesa Doug Bell i sanap wantaim 4-pela wanwok.



Pri sisen pilai

PRI sisen bilong ol klap i wok long stat nau na i no long taim bai olgeta pilai graun i pulap gen wantaim ol sportsmanmeri na sapota bilong ol.

Planti bilong yumi no save wari tumas long pri sisen. Yumi save ting olsem em i stat bilong sisen tasol na yumi ken malolo na wetim sisen tru i stat pastaim orait yumi go ran liklik.

Em i orait long tingting olsem sapos yu kisim sampela kain bagarap na i wet long bodi bilong yu i stret gen bipo yu go bek pilai.

Tasol sapos yu no gat bagarap na i les tasol long go bek trening o pilai nau, sisen bilong yu bai no inap stat gut na bai yu kisim

longpela taim long redim yu yet bipo yu ken kisim bek gutpela fom long pilai gen.

Pri sisen em i gutpela taim bilong yu long pilai liklik long kirapim tingting na skin bilong yu na redim yu long pilai gen taim sisen tru i stat.

Taim bilong Pri sisen

Pri sisen i save kamap pastaim long sisen tru.

Em i no save longpela taim.

Planti taim em i save ran inap tri o 4-pela wik bipo ol tim i go malolo wan o tupela wik gen bipo sisen tru i stat.

Pri sisen i gutpela bilong wanem planti bilong yumi no save pilai o trening long Krismas na Nu Yia taim bihain long pinis

bilong olupela sisen.

Ol pilai na trening long pri sisen i no save strong o spit tumas olsem ol gem insait long sisen tru.

Planti taim ol pilaia na sapota i save pilai tasol long amamas na kisim bek pasin bilong birua na soim strong insait long gem.

Bihain long pri sisen i pinis, olgeta tingting na laik bilong ol long gem i save kirap gen na ol i save redi long mekim save stret long sisen tru.

Gutpela long pilai long pri sisen

Em i gutpela long yu pilai insait long pri sisen sapos yu no gat bagarap long skin o sapos yu no bisi tumas long mekim ol arapela samting long dispela taim.

Bai yu ken luksave long wanem ol eria bilong gem we yu i mas wokhat moa long stretim, na tu, bai yu ken kisim sampela win na strong bilong pilai gen bipo long sisen tru i stat.

Sapos yu gat sampela bagarap long bodi, dispela em i gutpela taim tu long yu luksave na stretim bipo yu pilai gen insait long sisen.

Yupela ol kosa na trena tu bai inap long luksave long ol pilaia bilong yu na wanem kain ol posisen ol i ken pilai long en.


Tingim na dring planti wara long taim bi-long trening na pilai, kaikai gut na kisim planti malolo – no ken stap i go biknait tumas sapos yu gat trening o gem long narapela de i kam bihain.



1. PILAI BAL: Ol man i pilai basketbal long Gerehu long pri sisen long 2012.

2. RAN: Ol of sisen gem olsem Boroko of sisen Ragbi lig i save stat long pinis bilong yia na i go inap long stat bilong nupela sisen. Sampela i save yusim kain tonamen olsem pri sisen trening na gem bilong ol.

3. PAITIM: Wanpela pri sisen gem long NCD volibal i kamap long 2012. Pri sisen em i gutpela taim bilong ol pilai na tim tu long painim ol yunifom, su na arapela samting bilong pilai sapos ol i no bin painim long of sisen.



GOC bai lukautim ol ripota long taim bilong Pasifik Gems

SIF Eksekutiv Opisa (CEO) bilong 2015 Pasifik Gems Ogenaising Komiti (GOC), Peter Stewart, i tok ol spot ripota bilong ol arapela Pasifik kantri, husat bai i kam long kisim nius long taim bilong 2015 Pasifik Gems long Julai neks yia, bai i stap aninit long gutpela lukaut bilong GOC.

GOC bai givim olgeta samting ol ripota i nidim long mekim isi long ol i ken salim nius i go bek long wan wan kantri bilong ol.

“Long mekim isi long ol nius man meri, GOC bai kamapim wanpela Sentral lokesen long kisim infomesen, na olgeta nius man

meri bai i kisim nius long dispela hap,” Mista Stewart i tok.

Mista Stewart i tok olsem ol ripota bai i kisim wankain sevis olsem ol spot manmeri, long wanem, ol bai mekim bikpela wok long kisim infomesen, na givim infomesen.

Mista Stewart i bin givim dispela toktok, long wanem, ol nius manmeri bilong ol arapela Pasifik kantri i bin autim sampela wari bilong ol long wanpela midia bung long Noumea long Nu Kaledonia.

Ol i bin askim GOC sapos ol bai i gat gutpela sekyuriti long taim ol i kam long Papua Niugini.



CEO bilong GOC, Peter Stewart, i givim toktok bilong em olsem ol nius ripota bai i stap gut long taim ol i kam long Papua Niugini.

Kriket sta i tok tenkyu

Isaac Liri i raitim



ASSAD Vala em wanpela yangpela kriket sta bilong Papua Niugini husat i save pilai wantaim Nesenel kriket tim, ol Baramandi.

Long las yia, planti manmeri i bin makim Assad olsem “Spot Man bilong Yia”, na em i bin kisim awod.

Assad em i amamas tru long sapot bilong ol manmeri, na ol ogenaisesen husat i makim em long kamap “Spot Man bilong Yia” 2013. Em i amamas tru long bikpela sapot bilong SP Brewer long ol spot manmeri bilong kantri.

“Long laip bilong mi olsem wanpela spot man, mi kisim planti liklik awod, tasol dispela awod olsem “Spot Man bilong Yia” long las yia em i wanpela bikpela samting stret long laip bilong mi.

“Mi no bin gat sans long tok tenkyu long olgeta manmeri husat i makim mi long kamap spot man bilong 2013, na nau mi laik tok tenkyu long sapot bilong olgeta long mi, na tu, long ol arapela spot manmeri bilong kantri,” em i tok.

Assad Vala i tok tenkyu long SP Brewer long opim 2014 Spot awods long las wik. **Poto Nicky Bernard**

“SP awods em i wanpela gutpela samting, long wanem, em i save strongim ol spot manmeri bilong kantri long pilai strong, na apim nem bilong kantri.”

“SP Brewer, Nesenel Gavman, Papua Niugini Olimpik Komiti, na PNG Spots Faundesen i save mekim planti gutpela samting bilong ol spot man meri bilong Papua Niugini, na SP awods em i wanpela bilong ol dispela gutpela samting,” Assad i tok.

Ren stopim ol soka gem

Isaac Liri i raitim

BIKPELA ren long planti hap bilong kantri long las wik i bin pasim rot bilong planti spot gem long kamap.

Long Pot Mosbi, tupela soka gem bilong Nesenel Soka Lig (NSL) i no bin kamap, na ol NSL opisal i tok ol dispela gem bai i kamap long dispela wiken.

Ol Hekari Yunaitet i bin redi long pilai egensim Admiralty FC, na Oro FC i bin sambai long pilai egensim ol Isten Stars.

Tasol ren long wiken i bin lukim ples bilong pilai i bagarap tru, na sapos wan-

pela pilaia i bin laik kikim bal, bai bal i no inap ran gut, long wanem, wara i bin pulap tru long ples bilong pilai.

Ol opisal, pilaia, na sapota husat i bin laik pilai na lukim ol raun tu gem bilong NSL i bin belhat tru, tasol i no bin gat wanpela samting ol i bin inap mekim.

Long Lae, raun tu bilong NSL i bin ran gut tasol taim ol Lae FC i pilai egensim Besta Yunaitet na winim namba wan gem bilong ol 2-1.

Liklik ren i bin pundaun long Lae, na i mekim ol pilaia i painim taim long kikim bal, tasol gem i bin go het na pinis gut.

PNG Basketbal kisim gutpela mak

PAPUA Niugini Basketbal Federesen i amamas long ol Nesenel Basketbal tim bilong ol man na meri long Papua Niugini.

Bihain long Pasifik Basketbal Sempionsip long Poirura long Nu Silan long las yia, renking o mak bilong Basketbal i senis. PNG Basketbal Federesen wantaim ol spona na sapota i amamas tru.

Long divisen bilong ol meri, ol i bin kamap namba 4 long 8-pela tim, na long divisen bilong ol man, PNG i kamap namba 6 long 8-pela tim.

Ol dispela risal i soim olsem basketbal insait long kantri i wok long ran gut, na long taim bilong 2015 Pasifik Gems, PNG Basketbal Federesen i bilip bai ol basketbal tim bilong Papua Niugini i kisim sampela moa

gutpela risal.

Long renking bilong Pasifik Gems, meri tim bilong Papua Niugini i stap namba 2, na tim bilong ol man i stap long namba 5 ples.

Long 2011, PNG tim bilong ol meri i bin stap namba 5 na ol man i bin stap long namba 7.

PNG Basketbal Federesen i tok olsem basketbal long kantri i bin kisim ol gutpela risal bikos ol spona na sapot i kam gut.

Ol lain husat i bin kisim bikpela luksave long sapot na spona em City Pharmacy, Nesenel Gavman na Papua Niugini Olimpik Komiti aninit long Go for Gold program, Minista bilong Spots, Pacific MMI, na Eksekutiv Dairekta bilong Papua Niugini Spots Faundesen wantaim tim bilong em.



Purari Muri bilong Papua Niugini i ran wantaim bal. Purari em wanpela pilaia bilong Papua Niugini husat i bin soim kala bilong em long Pasifik Sempionsip long las yia.



Planti save i pulap long ples

gat planti ol spot manmeri husat i save stap hait long ol ples insait long Papua Niugini, na ol dispela manmeri i gat planti save na skil long pilai spot.

Long planti hap kona bilong kantri, namba bilong ol dispela hait spot manmeri long ples i bikpela tru. Sampela bilong ol dispela manmeri i ken pilai kain kain spot. Sampela i save pilai tupela, tripela o foapela spot.

Long taim bilong selektim ol hait spot manmeri husat i gat talen, ol selekta i mas lukluk gut, na skelim gut, long wanem, dispela ol talen i nupela na planti manmeri i no save gut yet long ol.

Ol selekta i mas yusim bikpela taim long skelim talen bilong ol dispela pilaia, long wanem, bikpela taim bai soim ol long trupela pilai na stail bilong ol.

Taim ol selekta i painim ol dispela hait spot manmeri pinis, ol i no ken lusim ol i stap nating. Ol selekta, trenna o kosa i mas putim ol dispela manmeri i go insait long ol spot program long helpim ol long developim ol yet olsem ol spot manmeri.

Ol spot program bai helpim ol dispela manmeri long lukim stret eria we ol i gat strong long en, na tu, long eria we ol i no gat strong long en.

Ol spot program tu i ken helpim ol hait spot manmeri long ples long kisim luksave long ol bikpela spot ogenaisesen olsem PNG Spot Faundesen na ol arapela tu.

Taim ol hait spot manmeri i kisim luksave long ol bikpela spot ogenaisesen, ol i gat sans long kisim sapot long kain kain kampani husat i gat laik long sapot na stap olsem spona bilong ol.

Wanpela gutpela eksampel long ol hait spot manmeri bilong ples husat i kisim bikpela luksave long tude, em sprinta bilong Papua Niugini, Toea Wisil.

Tasol i gat planti yet i stap long ol ples, na ol selekta i no painim ol yet.

Ol manmeri o komiti husat i wok long ogenaisim ol komuniti spot i mas lukluk gut na painim ol hait talen long ples na kontektim ol Talen Aidentifikesen Program Kodineita (TIPC) long ol wan wan opis bilong ol long wan wan rijon insait long kantri.

Ol rijonal opis bilong ol TIPC i stap long Pot Mosbi long Sauten rijon, Lae long Momase rijon, Goroka long Hailans rijon, na Kokopo long Niugini Ailans rijon.

Kontek bilong ol TIPC i stap long telefon dairektri.

- Weekend softball dro -



SEASON PROPER - ROUND TWO, GAME EIGHT

Saturday, 22nd February 2014

Rounds Two				
TIME	TEAMS	TEAMS	GRADE	REMARKS
8:00 - 9:30				
9:00 - 10:30	TBC	v STINGERS 2	B1B	
10:00 - 11:30				
11:00 - 12:15	SEARS	v WANTONS	B	
12:15 - 13:30	UNITED SISTERS	v STINGERS	B	
13:30 - 14:45	SEARS	v WANTONS	A	
14:45 - 16:00	UNITED SISTERS	v STINGERS	A	
BYE	WOLVES A & B			
Rounds Three				
TIME	TEAMS	TEAMS	GRADE	REMARKS
8:00 - 9:00	Juniors			Tieball
9:00 - 10:00	Admiralty Sevens	v STINGERS 1	B1B	
10:00 - 11:00				
11:00 - 12:15	YOKOYAMA	v CHEBU	B	
12:15 - 13:30	ADMIRALTY	v SAZELLE	B	
13:30 - 14:45	YOKOYAMA	v CHEBU	A	
14:45 - 16:00	ADMIRALTY	v SAZELLE	A	
BYE	WOLVES A & B			



RAGBI

Not Kwinsland i winim namba wan taitol long Brisbane 16-7 long final bilong Auckland Nains ragbi pilai. Ol Cowboys i go pas long 10-0 long hap taim Antonio Winterstein long 5 minit i lep long fultaim i abrusim tupelo Bronco pilaia na go putim win trai. Ol bronco i trai hat long kisim gem tasol taim i sot long Cowboy i kisim gem.

Kainkain Wol spots

Olgeta poto i kam long ABC netwok



BURGESS

Sam Burgess bai lusim NRL bihain long 2014 sisen, na bai joinim ol English rugby union klap Bath long 3-pela yia. Em i laik stap wantaim ol Ingran taim ol i pilaim wol kap long yia 2015



SOCHI

Australian snoboda Torah Bright i bauns kambek na kisim silva medol bilong Australia. Em i tok mi hat wok tru long kisim wanpela medol na hatwok bilong mi i karim kaikai. Nau mi amamas tru long karim wanpela medol i go bek long Australia.



CRIKET


Australia i kilim dai lam bilong ol Saut Afrika long namba wan tes gem long 281 run win. Johson i kisim narapela wicket gen na kilim dai lam bilong ol batsmen bilong Saut Afrika. Australia i win long 281 runs.

OI spot eksen poto long wiken...

OI Poto Nicky Bernard.



EM ON GEN: Lamana Kap bai stat long dispela wiken. I gat 13 tim bai pilai long dispela snuka resis. Wanpela long ol dispela tim em Tim Keleone bilong ol lain Aroma Coast. Ol baim K2000 tim rejistresen go long Lamana Jeneral Menesa Yiannis Nicolaou. Sponsa bilong tim Keleone Willie Walimu i tok kampani bilong em Total Constructions i amamas tasol long sapatim ol man na meri long wanem pul em wanpela gem we ol save kam pilai wantaim na amamas. Lamana Kap em olsem wanpela pri-sisen kompetisen bipo long bikapela PNG Media Pool kompatisen bai stat long mun Epril na go pinis long Novemba 2014. **Poto Nicky Bernard.**



BAN TAIM: Pilaia bilong Wolves i traim long paitim isi bal tasol i no kisim gut. Wolves i lus long strongpela Eagles long Agret sofbal bilong ol man long Pot Mosbi.



HAIYO MAMA: Beta bilong PNG Pawa i abrusim wanpela strongpela bal long pitsa bilong Yokomo taim ketsa bilong Yokomo kisim stret long glav bilong em. Yokomo kam bihain long na winim PNG Pawa 10-14 long Mosbi sofbal.



WOLVES I SINGAUT: Ol sapota bilong Wolves i redi tasol long sapatim tim bilong ol.



Wesley, bilong Yokomo i wel kam long hom bes taim tupela pilaia bilong PNG Pawa i resis long autim em.

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Moa oil na meat insait

TUNA IN OIL

Minista amamas long sapot bilong SPB long spot

Isaac Liri i raitim

SAUT Pasifik Breweri (SPB), em i wanpela kampani insait long Papua Niugini husat i save soim bikpela sapot bilong ol long spot insait long kantri long bipo yet i kam inap nau.

Long taim bilong tokaut long 2014 SP spot awods

las wik, Minista bilong spot Justin Tkatchenko i tok tenkyu long SPB long sapot bilong en long spot insait long kantri.

I gat 14 seksen long SP Spot Awods, na ol dispela seksen em spot man bilong yia, spot meri bilong yia, tim bilong yia, komyuniti spot awod, junia spot man bilong yia, junia spot

meri bilong yia, spot klap bilong yia, kosa bilong yia, spot edministreta bilong yia, teknikel opisal bilong yia, spot midia awod na spot poto bilong yia.

Ol nomisesen fom bilong makim husat long wan wan seksen i redi pinis, na nominesen bai i pas long namba 31 de bilong mun Mas.



(L-R) Minista bilong Spot Justin Tkatchenko, Spot man bilong yia 2013, Assad Vala, na Menesing Dairekta bilong SP Breweri, Stan Joyce. *Poto Nicky Bernard*

Husat bai kepten bilong ol Hanta?

Isaac Liri i raitim

BIHAIN long tupela trail gem bilong ol Hanta long Australia, ol i kam bek pinis long kantri long dispela wik na redi long opisal klap lonsing bai kamap long Sarere.

Wanpela bikpela samting we bai i kamap long dispela lonsing, em long makim husat tru bai i stap olsem kepten bilong ol PNG Hanta.

Ol tim menesmen bilong ol Hanta wantaim Kosa Michael Marum i no tok save yet, long wanem, ol i laik mekim dispela olsem wanpela bikpela samting.

Kosa Michael Marum i tok olsem ol i bin sindaun na mekim planti toktok long sait bilong makim kepten, long wanem, ol i save olsem wok bilong kepten em i bikpela tru.

“Kepten i mas wanpela man husat i ken stap olsem lida, na toktok long ol pilaia taim ol i stap insait long fil. Kepten em bai mekim ol bikpela disisen taim ol i bungim hat taim insait long fil, na moa long en, kepten i mas wanpela man husat i gat disiplin insait na autsait long fil,” Kosa Michael Marum i tok.

Long ol trail gem, Israel Eliab i bin stap olsem kepten, long wanem, Mark Mexico, man we ol i bin makim long stap olsem kepten long ol trail gem i no bin pilai bikos em i bin kism bagarap.

Menesmen bilong ol Hanta i save olsem i gat ol arapela pilaia tu insait long klap husat i fit long stap olsem kepten. Na long Sarere, bai yumi painimaut husat tru bai kamap lida bilong ol PNG Hanta.



Basket-bal i amamas - Pes 25



Ol spot poto - Pes 27




PMV

DIESEL OIL

PMV OIL BILONG YUMI



BOROKO MOTORS	
PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552